

Gobierno a ordena  
pa pone paro na  
construccion di MarAzul  
Pa violacion y no ta atene  
na regla di DOW

PG.3



PG. 32



**Abogado di  
Holloway  
ta bisa  
cu fiscal  
Janssen kier  
a keda Aruba**

PG. 2

**Corte a dicta  
cu Trias y  
Lopez no ta  
haya daño y  
perhuicio y  
mester paga  
placa bek** PG. 2

## Abogado di Holloway ta bisa cu fiscal Janssen kier a keda Aruba Pero PG no a prolonga su contract

**D**urante e programa di Greta van Susteren na Fox Channel por a mira abogado di mayornan di Natalee Holloway, John Q. Kelly ta duna e presentadora controversial aki un update di e caso di Natalee Holloway.

Den esaki e ta duna atencion special na e baymento di fiscal Karin Janssen, kende lo a notifique cu el lo ta regresando Hulanda despues di a traha 3 aña na Aruba.

Segun Kelly, el a biaha pa Aruba despues cu el a haya yamada di fiscal Karin Janssen caminda cu el a informe cu su contract a finaliza, y cu el lo ta bayendo Hulanda back. Mirando esaki tanto Janssen como Kelly a considera cu lo ta bon pa nan conbersa un poco.

Riba e pregunta di van Susteren si Karin Janssen tabata kier bandona e trabao, Kelly a contesta cu Janssen tabatin un contract di 3 aña cual por a wordo extende pa 2 aña mas cu aprobacion di Procurador General Teresa Fernandes-Pedra. Tambe John Kelly a bisa cu Janssen lo a haci e peticion aki riba papel, ya cu e tabatin gana di keda Aruba, pero el a wordo bisa cu su termino a caba y e ora e mester a regresa Hulanda.

Manera ta conoci di Greta van Susteren, inmediatamente

el a bula na puntra si Janssen a wordo retira, cual Kelly a bisa claramente cu esey no ta e caso, sino masa bien cu su contract no a wordo renova, motibo pa cual Janssen tabata tristo.

Riba e caso mes John Kelly a expresa di ta satisfecho cu ainda ta trahando riba e caso di Natalee, cu e ta gusta trata cu Karin, kende a bin ta honesto. Ademá el a menciona cu tin un tema di 10 recherche cu ta trahando na Amsterdam ya caba pa algun luna riba e caso di Holloway.

Kelly a defende e trabao cu a bin ta wordo haci den e caso di desaparicion di e hoben mericano, cu nan ta trahando. "Mi tabata critico den pasado pa loke ta e investigacion. Mi tabata critico pa cu polis den pasado. Pero e respuestanan ta ey bao. E unico posibel investigacion y solucion di esaki ta na Aruba, y bo sa, tur cos cu ta yuda avanza e causa akinan mi lo haci y por lo menos mi tin un liña di comunicacion aya bao y mi no kier dañá esey". John Kelly a duna di conoce.

Na final abogado di Holloway-Twitty a expresa cu keto bai e tres sospechosonan inicial, esta e rumannan Kalpoe y Joran van der Sloot, ta sigui ta e sospechosonan.

## Gobierno di Aruba ta contento pasobra, Corte a dicta cu Trias y Lopez no ta haya daño y perhuicio y mester paga placa bek

**G**obierno di Aruba no tin nodo di paga ningun cen na e desaroyadornan di e proyecto Trias Resorts N.V. y Justo S. Lopez. Despues di a procede durante 16 aña largo contra Gobierno di Aruba, Corte Comun di Husticia diamars ultimo den apelacion a rechasa completamente e demandanan di Trias y Lopez. Esaki ta para den e comunicado di prensa ricibi for di Oficina di PR di Gobierno.

Den e comunicado ta wordo bisa cu Trias y Lopez a procede pa añanan contra Gobierno Arubano pa haya un suma na daño di perhuicio debi na e hecho cu e proyecto Laguna Dorada di Justo Lopez situa na Spaans Lagoen no a continua. Trias y Lopez a exigí mas cu 30 miyon dollar, pero awor no ta haya nada. Corte di Comun tabata di acuerdo cu e ponencia di e abogadonan Rob Blaauw y Milly Schwengle (HBN Law) kendenan a actua pa gobierno, cu e envolvimento di e constelacion Italiano (cu garantia di gobierno) na e proyecto ta nifica cu e chens pa cu e éxito di e proyecto lo ta minimo pa duna un suma na daño di perhuicio.

Desde 1991 Trias y Lopez na diferente ocasion tabata tin éxito den casonan sumario pa demanda un voorschot riba e daño di perhuicio cu nan tabata pidi.

Ultimamente dia 18 di februari 2004 Corte di Promer Instancia a fiha cu Gobierno di Aruba – teniendo cuenta cu e voorschotnan anterior – mester

paga un suma di US\$ 6.006.000,00 na Trias y Lopez.

Corte den Promer Instancia dia 27 di april 2005 a dicta sentencia den e procedura di estado di daño cu Trias y Lopez a entama contra Gobierno di Aruba. Corte den Promer Instancia a sentencia Gobierno di Aruba pa paga un suma di US \$ 10.000.000,00 - kitando e voorschotnan cu a wordo paga caba - na Trias y Lopez. E procedura di estado di daño ta resultado di un demanda cu na 1994 a wordo institui door di e partidonan aki contra Gobierno di Aruba. Den e procedura di estado di daño ta bay pa fiha e daño cu Trias y Lopez lo a sufri como consecuencia di un actuacion inhusto di Gobierno di Aruba.

E sentencia aki a wordo anula door di Corte Comun di Husticia riba dia 16 di januari 2007.

Corte Comun di Husticia a determina cu Gobierno di Aruba no mester paga ningun suma na Trias y Lopez. Esaki ta nifica cu e fondonan publico cu a ser paga door di Gobierno di Aruba - a base di e diferente sentencianan den casonan sumario - mester wordo paga back door di Trias y Lopez.

Ademá ta bin aserca cu Trias y Lopez a ser sentencia door di Corte Comun pa paga na Gobierno di Aruba un suma di Af. 413.960,00 na gastonan di e proceso, di cual Af. 177.275,00 na gastonan di e expertonan nombra den e procedura.

## Indice di prijs pa consumo a subi cu 0.08% na december, pero Riba henter aña 2006 indice di prijs a subi cu 2.5%

**D**en e periodo di 30 di november 2006 te cu 31 di december 2006, e indice di prijs pa consumo a subi cu 0.08%. Den e diferente sectornan a registra e siguiente cambionan di prijs.

Alimentacion a subi cu 0.53%; bebida y sigaria a subi cu 0.94%; paña y sapato a subi cu 1.11%, vivienda, e unico cu a baha cu 1.04%; mobilario a subi cu 0.38%; asistencia sanitario no a aumenta; transporte y comunicacion a subi cu 0.29%; recreacion a subi cu 0.03%, restrante articulo y servicio a subi cu 0.20%. Tur esaki pa un total di 0.08%.

Di acuerdo cu CBS, den e sector di alimentacion, e categoria sucu, productonan deriva di sucu & chuculati a conoce un reduccion di 0.97%. E aumento di mas halto ta den e categoria di azeta vegetal (1.84%), sigui pa cuminda prepara (1.55%), batata, berdura y fruta (1.46%).

Productonan lactoso (0.92%), y productonan di grano y cereal (0.74%). E resto di e categorianan den sector di alimentacion a conoce un aumento di 0.18%.

Den sector di bebida y sigaria, e categoria di bebida a subi cu 1.01%.

E aumento di mas grandi den 9 sec-

tor ta ser observa den sector di paña y sapato (1.11%) cual principalmente ta wordo ocasiona dor di aumento den categoria di sapato (1.91%).

Di otro banda, e bahada di mas grandi ta ser observa den sector di vivienda (-1.04%). Causa mas grandi tras di e caida aki t'e bahada di e prijsnan den sub-categorianan; consumo di energia, consumo di awa, bahada cu 2.50% y 2.72% respectivamente.

Transporte y comunicacion a conoce un aumento di 0.29%. E aumento aki a wordo causa principalmente dor di aumento den prijs

di productonan di petroleo. Esaki a pone cu e sub-categoria gasolin a subi cu 1.3%.

E sectornan di mobilario, restante di articulo y servicio, y recreacion a conoce un aumento di 0.38%, 0.20% y 0.03% respectivamente.

E sub-categorianan cu mas a influencia e cifra indice di december debi di nan peso halto den calculacion di CPI ta electricidad y consumo di awa. E efecto negativo total riba e CPI ta di 0.21%.

For di 1 di januari 2006 te cu december 2006, e indice di prijs pa consumo a subi cu 2.5%.

# Gobierno a ordena pa pone paro na construcccion di MarAzul

## Pa violacion y no ta atene na regla di DOW

Informacion cu a yega nos mesa di redaccion ta bisa, cu e siman aki, Ministerio di Infraestructura a duna orden na ehecutivonan di DOW, pa informa e desaroyadornan di e proyecto MarAzul, cu no tin tempo pa caba, pa para nan trabou. Esaki pasobra e desaroyadornan no ta cumpliendo cu loke nan mes a priminti, pero tambe cu nan ta viola tur clase di regla.

Informacion cu AWEMainta a bin haya ta, cu ya caba ta bai pa como 6 aña, for di tempo cu Gabinete Oduber III a asumi responsabilidad, tabata Prome Minister Nel Oduber a pone e prome piedra, cu e speranza cu nan lo sa

di caba e proyecto aki den e tempo cu nan mes a stipula.



Según tempo ta cai pasando, e desaroyadornan a bin ta cambia mapa y tin biaha sin aprobacion di DOW, cu tin como consecuencia e.o.

bai spera caso den Corte proximamente, ya cu nan no ta di acuerdo cu loke cu Ministerio di Infraestructura ta haciendo cu nan.

cu hasta nan lo a apodera di tereno di Gobierno, unda e caminda cu ta pasa ei banda, a bira mas smal, dificultando e trafico mucho mas ainda.

A pone but pa nan paga, pero MarAzul no a cumpli cu pago di esaki, y asina tin un cantidad di otro desaroyo, cu awor Gobierno a bisa cu ta basta. A ordena paro di e construcccion y lo bai exigi p'e grupo di di MarAzul bin mesa y cumpli cu nan obligacionnan y pone un fecha di terminacion di e proyecto.

No por sigui asina, pero di otro banda e desaroyadornan di MarAzul a pone nan abogado na altura, y por

# Relaciona cu e maneho di no ta paga overtime a pone cu No tin polis suficiente riba caya

Ultimo dianan, tin masha reclamo, cu hende ta yama pa asistencia policial y no por haya esaki manera desea. Polis por acudi, si ta trata di casonan di urgencia, y pa otro cosnan chiquito, nan no ta ni bai.

E problema aki, según fuentenan for di propio seno policial ta debi cu Gobierno a laga sa cu no tin placa pa paga overtime, y como tal tur esnan cu tin overtime traha,

awe ta pidi pa haya nan timeback, y esaki nan ta tuma, y como tal keda sin traha, contra pago.

Esaki ta funesto pa un cuerpo manera esun di polis, cu ta haci, manera algun fuente policial mes a duna di conoce, cu tin biaha cu den nachtdienst, ta 2 polis so tin riba warda, loke sigur no ta nada bon. Y no ta ningun garantia, cu e pueblo aki por drumi tranquil, pasobra no tin polis eifo.

Asina p.e. ta drenta reclamo riba un grupo di hoben, cu ta sinta bou di palo na Dakota, cu ta pinta grafiti riba caminda publico y riba varios muraya, pero ora di yama polis, nan no ta bai. Fuera di esei, según denuncianan recibi, e mesun hobennan aki ta core cu auto den forma irresponsabel, trece peliger pa tur hende den e becindario. Tin informacion extraoficial tambe cu bou di e mesun hobennan aki,

tin un di nan cu a caba di sali for di KIA, pero awe ta cana arma cu arma di candela. Pa kende, ningun hende no sa.

Otro comentario recibi ta, cu awe por mira cu e maneho di Ministere Rudy Croes t'asina funesto, unda cu "laman a seca, cu ta berguena pa cara di Dios", pasobra si tin placa pa tin un helicopter den laira, mientras cu no tin placa pa paga polis.

## REMETIDO

# Ken mester a presidi reunion di Staten

Dia 21 di december.

**M**i a warda te ora cabeznan a fria pa mi duna mi opinion encuan to e presidencia di Staten durante e reunion di 21 di December. Di e forma aki cada persona por lesa e articulo aki bon y compronde con e reglamento di ordo di Staten articulo 7 ta duna e presidente (y vice presidente) e posibilidad di participa na discusionnan durante reunion di Staten y nada mas. Pa casualidad un persona cu tabata minister tambe a duna un splicacion encuan to e topico aki den e dianan aki. Despues di lesa su splicacion mi no por a saca ningun conclusion cu ta su interpretacion e'la duna cual a resulta di ta hopi partidista. Mi tin di gradici e persona aki pa a duna hopi informacion valioso encuan to reglamento di ordo di Staten. Ta lastima si cu e'la troce esaki den tur forma pa purba saca probecho politico di esaki. Reglamento di Staten ta bisa den articulo 7: "Indien de voorzitter het woord wilt voeren anders dan ter uitvoering van zijn taak als in het vorige artikel beschreven, verlaat hij de voorzittersstoel. Hij neemt die niet weer in zolang het onderwerp aan de orde is". E articulo aki so ta suficiente caba pa indica cu e Presidente di Staten cu a tuma parti na e discusion di un di e puntonan di agenda mester bolbe riba su stoel despues cu e punto (onderwerp) aki keda trata den Parlamento. Esaki e articulo aki ta bisa claramente. Un reunion por consisti di mas cu un punto di agenda, cual tabata e caso dia 21 di december tambe. Pues e presidente y e vice presidente a dicidi di tuma parti na e discusion durante punto 2. Esaki no ta encera cu nan no por ta presidente pa henter e reunion mas sino solamente pa e punto 2. No ta importa ta kende a actua (treedt op) como presidente temporalmente durante punto 2, despues cu e punto aki a termina e persona aki mester pasa e reunion bek pa e presidente (of vice presidente) legal di Parlamento. E articulo aki ta netamente pa duna e Presidente (y vice Presidente) oportunidad pa por participa na un discusion di un punto di agenda si nan ta desea asaki. E articulo aki nunca tabata intensiona pa kita poder di President (y vice Presidente) pa duna na otro. Despues di e onderwerp ey e President ta tuma e reunion bek y ta sigui cu otro puntanan di agenda. Articulo 7 no ta duna e persona cu ta actua (treedt op) como presidente poder pa e por schors henter e reunion. E ta actua como presidente pa dirigi e reunion durante punto 2 di e reunion so. Ta e Presidente eligi legalmente pa Parlamento so por schors un reunion. Ningun momento ningun persona por bira presidente di Staten durante un reunion esaki ta worde eligi cada aña na september. Pues con un persona por bira presidente di Staten a base di articulo 7 di reglamento di ordo di Staten? Mas claro no canta un gayo !! Cu e splicacion aki riba ta mas cu claro cu e reunion di dia 21 di december tabata totalmente legal. Masha danki pa e espacio.

## Comentario

### Parti 2.

## Cada dia mas confusion pa pueblo riba asunto di BBO ta acumulativo "SI of NO"

**E**mesun historia ta tuma lugar awe, cu Tele Aruba un canal estatal di Gobierno, ta presta su mes pa 4 dia sigui, trece un comentario di e conferencia di prensa di mr. Mike Eman, den cual nan a tuma solamente e parti cu a sali bisa cu mester kita 1500 hende for di trabou den Gobierno (de Overheid) te hasta cu Tele Aruba ta purba informa e pueblo cu ta Gobernacion anterior di Gabinete Eman 3 kier a bin cu un aumento di 12% di belasting riba pueblo anto cu a sali den Plan Aruba cu gobernacion lo bin cu un belasting indirecto di 12% por ciento. Mi ta kere esun cu a tuma tempo sin mira e programanan di accion di tur partido politico, sin tuma e parti partidista, lo compronde cu esaki ta menos berdad pa loke ta ensera Plan Aruba. Ainda comosifera poco, pa despues bai tog lesa un pida durante TeleNoticia, pa muestra pueblo cu si ta berdad nan kier a bin cu 12% segun Plan Aruba. Lugar tabata trata e famoso Raport Timmer, cu nan tabata lesa den dje, keriendo cu ainda e pueblo ta tapa. Anto aki mi tin cu bisa ta duelmi cu TeleAruba tambe ta presta su mes tambe pa eherce e parti di "politiek verziekt" cu nos ta biba cune, pasobra bo no por mire otro manera. Anto aki ta bai e palabranan di un famoso politico, den su inbestidura como mandatario awe den felis memoria mr. Edgar Joaquin Vos, d.f.m, cu a bisa textualmente na un ocasion cu Gobierno (de Overheid) su conseheronan por scirbi of bin cu cuanto raportnan cu nan kier, pero semper y cuando ta keda n'e Gobernacion (de Regering) y su mandatarionan pa ehecuta esakinan of laga esaki solamente na raport of terkennisneming. Esaki nan ta politiconan cu a gana e conhuntura di ta un bon politico, pasobra nan ta mira bienestar di pueblo. Un otro ehempel clave tabata tempo cu e parti Legislativo (Staten) cu a hisa tur salario di Ministro y Parlamentarionan den Gabinete Eman 3. Anto MinPres, e tempo ei no a ehecuta e aumento aki, y a tene te cu nan a retira fo'i gobernacion nan 2001. Y el a wordo ehecuta despues p'e gobernacion di turno cu a hisa tur salario di e empleado publico di mas halto esta schaal 16 cu 25% y Parlamentarionan na 25% y Ministronan na 25% pa despues baha Parlamentario cu 10% y Ministronan cu 12.5%. Si nos tuma bon nota di e ahustacionnan cu lo bini lo mester aparece den un di e dianan aki e tabel di rebaho di impuesto di ganashi y Loonbelasting, e grupo tarief 1 entrada fis-

cal 20.000 florin pa aña lo haya un rebaho di 724 florin pa aña y esnan di 100.000 florin pa aña lo haya un rebaho di 3428 florin pa aña. Y grupo tarief 2 entrada fiscal di 20.000 florin pa aña lo haya 886 florin pa aña y esun di 100.000 florin pa aña lo haya un rebaho di 4840 florin pa aña segun e tabel entrada fiscal y nos lo bai ripara bon ta hustamente e Ministro y Parlamentarionan y e personahenan cu tin un salario barbaro y of e doñonan di empresa t'esun cu lo beneficia mas cu e rebaho of ahustacion aki, cu lo mira cu nan lo keda cu mas placa den saco pa spaar. Y e homber chiquito no ta keda cu nada pa spaar. Y e pueblo lo haya nada, cual atrobe esaki ta pasobra Gobierno (de Overheid) no a practica e sistema di slidingscale cu lo a yuda e pueblo mucho mas ainda. Kisas dor di duna menos rebaho n'e grandinan, y cu e diferencia aki duna e pensionado nos grandinan yuda cubri parti di e premie di AZV of facie nan premie di AZV pa nos grandinan vrijgesteld. Tambe ta bon pa observa cu nos tur sa cu Aruba ta conoci cu e bendita abuso di cheeplabor, cual cheeplabor nos sa tambe cu ta nifica e minimumloon, cual ta pa e stranheronan cu ta legal cu permiso na cual t'esun cu ta haya 1360 florin pa luna, cual lo conoce un ahustacion di 100 florin cu lo bira 1460 florin pa luna, pero tambe nos sa cu un Arubiano trahador den empresanan chiquito of mediano of grandi casi nunca, pa respet n'e pais Aruba, e entrepreneur hopi biaha ta duna e Arubiano, cu ta wordo paga minimumloon plus. Cual por yega te na 1400 florin pa luna of 1450 florin pa luna, y den mayoria caso 1500 florin pa luna. No solamente Gobernacion (de Regering) pa medio di Gobierno (de Overheid) a dicidi pa medio di lei cu ta hisa e minimumloon na 1460 florin pa luna, riba dje facie belasting vrij, sin tene na cuenta pa medio di e mes un lei aki pa hisa tambe e minimumloon plussers nan. Cu awe ta gana entre 1400 florin te cu 1600 florin pa luna, cu nan tambe por disfruta di e ahustacion nan aki cu Gobierno (de Overheid) a duna n'e stranheronan. Esaki pasobra no ta para ningun caminda cu Gobierno (de Overheid) ta hisa esun cu ta gana 1400 florin pa luna, of 1450 florin pa luna of esun cu ta haya 1500 pa luna un ahustacion tambe di 100 florin.

*(Mañan nos tin e parti final)*

# Den Carnaval 53

## TA CIRCO CHIGO TA NA TABES

### Wall Mount Split Type 220V/60HZ PVC outdoor

Capacity	Model	Selling Price
9000BTU	KF-25W/a	699.00
12000BTU	KF-32W/a	825.00
18000BTU	KF-51W/a	1,256.00

### Wall Mount Split Type 115V/60HZ

9000BTU	KF-25GW/b	645.00
12000BTU	KF-32GW/b	745.00

### Wall Mount Split Type 220V/60HZ


9000BTU	KF-25GW/a	645.00
12000BTU	KF-32GW/a	745.00
18000BTU	KF-51GW/a	1,145.00
24000BTU	KF-66GW/a	1,450.00
30000BTU	KF-88GW/a	2,150.00

### Window Type 115V/60HZ with remote control

9000BTU	KC-25/b	495.00
12000BTU	KC-32/b	645.00

### Window Type 220V/60HZ with remote control

9000BTU	KC-25/a	475.00
12000BTU	KC-32/a	615.00
18000BTU	KC-50/a	795.00



## Tires Toyo & DUSTONE

### Toyo

Toyo Tires	Before	New Price
27x850R14	250,00	200,00
33x1250R15	360,00	288,00
205/50ZR16	245,00	196,00
235/60G16	200,00	160,00
255/65R16	215,00	172,00
205/45ZR17	276,00	220,80
235/40ZR17	310,00	248,00
255/75R17.5	450,00	360,00
205/25ZR18	315,00	252,00
235/30ZR18	410,00	328,00
235/40ZR18	334,00	267,20
285/30ZR18	490,00	392,00
285/40ZR18	445,00	356,00
225/35ZR19	435,00	348,00
225/40ZR19	365,00	292,00
245/35ZR19	470,00	376,00
255/40ZR19	428,00	342,40
265/30ZR19	520,00	416,00
275/30ZR19	535,00	428,00
255/35ZR20	491,00	392,80
275/30ZR20	640,00	512,00



### DUSTONE

155R12C LT	67,00
165/80TR13	76,00
155/80TR13	69,00
185R14C	100,00
185/70R14	78,00
600-14-8	68,00
195/65R15	107,00



## ATV's & SCOOTERS

KYMCO SCOOTERS  
"50cc" & "150cc"

Tambe nos tin Bateria **YUASA**

& Spark plug marca **DENSO** &



L.G. BLVD 136  
TEL: 582-5513  
FAX: 583-6446



BOMBARDIER  
ATV

BOMBARDIER  
"RALLY"

BOMBARDIER  
"DS 650"

KYMCO  
ATV

KYMCO  
"MXU 300"

# Proceso pa yega na un Plan Nacional di Enseñansa

**M**inister drs. Marisol Lopez-Tromp ta informa cu desde 29 di januari 2007 te cu 16 februari 2007 lo tene diferente grupo di trabao den cuadro di e proceso participativo pa yega na un Plan Nacional di Enseñansa.

Den cuadro di e proceso participativo a organisa na 2006 dos cumbre di planificacion den cual representantenan di un base amplio di nos comunidad a participa pa yuda formula un direccion pa nos educacion.

Conhuntamente a yega na e siguiente formulacion di nos vision pa educacion:

“Pa 2017, studiantenan graduando di nos scolnan na Aruba ta ciudadano cu sentido di desaroyonan mundial responsabel y satisfecho kendenan ta aprendiz pa bida largo y ta contribui na e calidad di bida di comunidad”.

Minister drs. Marisol Lopez-Tromp ta kere firmemente cu nos mester curashi y ambicion pa kier un desaroyo positivo y logra un enseñansa hopi miho cu lo cual nos ta costumbra cune awe. Minister drs. Marisol Lopez-Tromp su reto ta pa logra e vision aki conjuntamente cu Pueblo di Aruba pa asina nos

yiunan mañan ta prepara pa un mundo cu ta cambia constantemente y cu ta exige mas y mas pa nos por siña lihe y continuamente.

Pa logra esaki e trabaonan preparatorio a identifica 7 principio clave cu ta fundeshi pa tur cos cu nos ta haci den educacion. Nan ta:

1. E estudiante mester ta e punto central den enseñansa.
2. Nos sistema mester implementa strategianan multiple pa garantisa exito di e estudiante
3. E ambiente na scol mester ta sigur y estimulante pa estudiante, maestro y mayor.
4. E famia mester ta mas envolvi.
5. Mas envolvimento di gremionan di comunidad.
6. E scol mester funciona manera un comunidad cu ta enfoca riba calidad.
7. E edificio di scol mester por conta cu facilidadnan multi funcional.

Den e gruponan di trabao, e participantenan lo sigui elabora e 7 principio di un forma mas specifico



y realistico pa asina nan ta mas practico pa tur hende. E gruponan di trabao lo tin 4 of 5 encuentro pa dialoga y despues entrega un resumen di nan trabao.

Minister drs. Marisol Lopez-Tromp ta contento cu e desaroyo pa yega na un plan nacional di enseñansa ta canando bon y cu comunidad especialmente sector di enseñansa ta duna su cooperacion completo pa realizacion di e trabaonan preparatorio.

Pues, Minister drs. Marisol Lopez-Tromp ta extende na tur participante di e proceso aki un danki y ta desea pa nan sigui participa y contribui na nos prome Plan Nacional di Enseñansa y asina forma parti di un esfuerzo di comunidad pa crea un miho futuro pa nos yuinan.

## ATIA lo purba reduci cualkier consecuencia negativo di BBO

**A**TIA den su ATIA Flash di januari 2007 ta menciona cu durante e ultimo lunanan di 2006 e board di ATIA a vocifera nan oposicion fuerte pa cu introduccion di BBO na Aruba. Nan ta sinti cu tin hopi deficiencianan den e ley y cu su introduccion lo por tin e potencial pa haci mas daño cu bon na nos comunidad henter. Mas aleu ATIA ta bisa cu mientras cu ainda nan ta preocupa pa cu e efectonan di BBO, nan rol awor a cambia. E ley a bira un realidad y mester purba reduci cualkier consecuencia negativo di e ley pa segura cu e peso di cumpli cu BBO ta wordo distribui igual riba henter nos economia. ATIA ta considera imperativo pa tur sector den nos economia cumpli cu nan responsabilidnan en bes di tin e miembronan serio di e comunidad empresarial subsidia esnan cu lo purba evadi e BBO. Igualmente ATIA ta sinti cu ta importante pa haci esfuerzonan colectivo hunto cu e gruponan cu ta proteha internan di e consumido y Gobierno pa educa e consumidor arubano riba nan responsabilidnan y derechonan.

## Prome Minister Oduber a representa Reino Hulandes na Ecuador

**D**ialuna ultimo Prome Minister Nelson Oduber tabata presente na e ceremonia di instalacion di e Presidente electo di Ecuador, Rafael Correa. Durante di e ceremonia aki sr. Oduber tabata sinta den e promer fila hunto cu e otro mandatarionan prominente di e paisnan Sur Americano y di Caribe y tabata un di e promernan pa felicita e Presidente nobo di Ecuador. Na e ocasion special aki Minister President Oduber di Aruba a representa Reino Hulandes.



*Diahuebs y diabierne awor*

# Corte den Prome Instancia tin varios caso penal masha interesante pa trata

**A**we diahuebs Corte Penal den Prome Instancia, tin algo caso penal pa trata. Pa 10 or di mainta, R.A.S. kende ta ser acusa di premedita y intencionalmente a purba kita biba di un persona, mester duna cuenta di su hechonan.

Un rato despues ta E.R.C., kende ta ser acusa di a menasa 3 persona cu morto. Tambe e ta wordo acusa di posesion di arma blanco.

Y ultimo caso pa diahuebs awor, ta unda L.E.K., kende ta worde acusa cu intencionalmente a maltrata un persona cu un schroefdraaier, lo splica pakico el a haci esaki.

Diabierna tin 3 caso penal cu lo wordo trata. E prome ta pa 8.30, unda e personanan, R.J.F.A. y C.B.D ta wordo acusa di a horta algun articulo for di dos negoshi. Tambe nan ta worde acusa di a horta un auto y algun articulo for di un persona. E caso aki lo tin dilanti pro-forma.

Un rato despues, e personanan, A.R.R. y E.F.L mester duna cuenta di e acusacion cu intencionalmente a kita biba di un persona usando un arma di candela. A.R.. R. ta wordo acusa tambe di tin un arma di candela den su poder sin tin un permiso p'esaki. Tambe A.R.R. ta wordo acusa di a comete destruccion.

E ultimo caso di diabierna, ta unda M.E.C.T y S.W. lo bin dilanti. M.E.C.T. ta wordo acusa di a duna un funcionario publico un regalo of haci'e un promesa cu e intencion di convence pa, dn su trabou contra su obligacion, haci of keda sin haci algo.

Tambe e ta worde acusa di a falsifica documento. M.E.C.T. ta wordo acusa di a comete estafa.

S.W. ta wordo acusa di a acepta un regalo of promesa cu e intencion pa convence, pa den su trabou contra su obligacion, haci of keda sin haci algo. Tambe e mester duna cuenta di falsificacion di documento.

## 'BASHI'?

### USE YOUR FUNMILES!

**BLACK & DECKER**  
Circular Saw model CS1000

was 5400  **NOW**  
4360   
109,- 



**WEEDEATER**  
Trimmer Electric model XT112

was 5160  **NOW**  
3960   
99,- 



**FORT**  
Wheelbarrow 80ltr.

was 4760  **NOW**  
3960   
99,- 



**KOOYMAN**



ALWAYS  
**X2 funmiles**

This advertisement is valid from 18-01-2007 till 24-01-07 or while supplies last. Kooyman is not responsible for printing errors.

*Fraccion di RED ta puntra:*

## Di con na Aruba kier premia Glenbert Croes

**Y na Merca sentencia ta cai den proyecto fraudulento di Aeropuerto?**

**G**abinete Eman III a bai den historia di Aruba como un gobierno corrupto. Prueba palpabel di esaki ta e proyecto di renobacion di airport pa Calmaquip, cu e tempo ey a cay bao di responsabilidad di Glenbert Croes-Willem Vrolijk di partido OLA.

Ta trata di un 'bouwfraude' gigantesco: e proyecto final a costa mas cu dobel di e suma originalmente planea. Pueblo di Aruba a sali perhudica pa miyones di florin, y awor Gabinete Oduber IV kier duna ex-minister Glenbert Croes un premio gordo dor di nombre den schaal 14 na Casinowezen. Na Aruba corrupcion no ta wordo castiga, al contrario bo ta wordo premia, segun Rudy Lampe di RED.

Na Merca y Trinidad otro gai ta canta.

E siman aki e comerciante local Richard Lacle a keda sentencia na 17 luna di prison, un aña di aresto domiciliario, un boet di 15 mil dollars, y un cantidad di ora di servicio comunitario. Mes-cos tambe Raul Gutierrez di Calmaquip, sentencia na 72 luna di prison, kende lo mester bai paga



**Rudy Lampe**

gobierno di Trinidad miyones di dollars bek. Nan a wordo haya culpabel di a estafa pais Trinidad pa 150 miyon dollar den un proyecto, similar cu esun di Aruba, di renovacion di airport di Piarco.

E mesun Raul Gutierrez cu no solamente a participa den e proyecto di airport di Aruba (Calmaquip-ALBO j.v.), sino tambe a participa na e proyecto di radar y e proyecto di Race-track (participante na e Letter of Intent cu Pais Aruba pa e Racetrack).

Tur e proyectonan corrupto aki di Gabinete Eman III ta vincula cu e nomber di Gutierrez. Na Merca por fin a bin husticia. Durante hopi aña Comision di Berdad a keda lastra pa ta mentiroso, mi persona a keda yama pa gañado, awor por fin pueblo a haya sa e berdad danki na e sentencia aki na Merca. Gutierrez no solamente a keda condena na Merca pa fraude, corrupcion, y labamento di placa, sino mester bai enfrenta cargonan na Trinidad cu ta bai cobre daño y perjuicio pa miyones di dollar. Gutierrez mester bende su cas na Florida, joyas, obranan di arte, etc. pa paga e daño causa pa su persona.

Pero na Aruba Gabinete Oduber IV ta proteha esnan cu a estafa e pais Aruba. Minister Rudy Croes kier favorece su sobrino, yiu di Libertador Betico Croes, y Minister Briesen a proteha comerciante Lacle. E casonan di daño y perjuicio ta bai sigui na Trinidad, esaki ta bai perhudica Arubus y Airport di Aruba cu a sigui haci negoshi cu Lacle? A sabiendas cu e'la plea guilty na Merca y awor a keda sentencia y riba 12 di maart proximo, mescos cu Gutierrez, e mester presenta na autoridnan di prison pa bai cumpli cu su sentencia. Kico ta bai para di e shopping mall di Arubus na Playa construi segun un 'huurkoopcontract' cu Lacle? Mester bai bendele pa paga su daño y perjuicio? Pueblo tin cu bai paga e contract lucrativo di schaal 14 di Glenbert Croes?

## Ta busca PERIODISTA

Exigencianan ta:

1. Tin estudio nivel di Educacion Secundario.
2. Dispuesto pa traha independiente
3. Tin conocimiento amplio di nos sociedad y comunidad
4. Deseable pa por cubri casonan di Corte di Husticia
5. Mester domina diferente idioma, manera bon Papiamentu, Hulandes, Spaño y Ingles
6. Tin transporte propio y dispuesto pa traha oranan flexible



Si bo ta interesa, anto manda bo CV pa AWEMainta, Margrietstraat 3 pa despues nos citabo pa un entrevista. Bo por manda bo solicitud tambe via di e-mail; [toko@awemainta.com](mailto:toko@awemainta.com)



# Biba B.B.O.!

*Pa: Armand Hessels*

**G**obierno a duna como motibo importante pa introduccion di e impuesto nobo di B.B.O., e necesidad pa cambia e sistema di impuesto di Aruba. Mester a cambia e enfasis di impuesto directo pa indirecto.

A pesar cu Gobierno no a menciona di ningun manera e varios cien miyon florin na entrada extra cu e sistema acumulativo mester genera, esaki en realidad ta e meta principal di Gobierno. Pa Gobierno esaki tabata e unico manera pa sobrevivir financieramente. No pasobra Aruba ta un pais pover cu un economia debil, pero pasobra Gobierno nunca a logra di limita su gastonan. Pa medio di B.B.O. e 7 ministro y 11 parlamentarionan ta permiti nan mes atrobe pa sigui cu nan maneho di malgasta placa. Al fin y al cabo esaki lo conduci na aumento di nos Debe Nacional. Ademá nan por sigui tira santo den wowo di pueblo cu proyecto nobo.

Un di e situacionnan di abuso mas pio cu nan por sigui financia banda di e crimen di nombracion politico ta

e sistema di pension di ministro y parlamentario. A base di nos leyman existente (traha y ehecuta pa e politiconan mes!), pension di un ministro lo suma desde 1 di januari 2004 na Af. 72.230,- pa año, o sea Af. 6.019,- pa luna. P'esaki e no ta paga premi di pension. Como cu ministro por cobra su penshon caba na edad di 45 año y despues di a funciona apenas 4 año como ministro, teoricamente e por cobra e suma di Af. 6.019,- pa luna durante 25-30 año (basa riba e echo estadistica cu e edad promedio cu hende sa alcanza na Aruba ta entre 72-75 año). Den e caso aki, comunidad di Aruba mester paga un ex-ministro cu ta alcanza edad di 75 año, e suma total di mas di Af. 2 miyon.

Pa un miembro di Parlamento, e pension lo suma na Af. 74.794,- pa año, o sea Af. 6.233,- pa luna. E por cobra e pension aki despues di a fungi 12 año como parlamentario. P'esaki e ta paga 5% na premi di pension. Pa e miembro di Parlamento, cu alcanza e edad di 75 año y cu a sali cu 50 año di edad, e gasto di su pension

pa comunidad lo suma na casi Af. 2 miyon en total.

Mester tene na cuenta, cu tur esaki ta sin conta e 'overbruggingstoelage' y sin e arreglo special pa viuda y huerfano cu e elite politico a fabrica pa nan mes y nan famia. Ademá, e aumento recien cu 25% di e salario di e empleado publico den e rango mas halto (cu ta e base di pension di e elite politico), tin consecuencia hopi positivo pa e pension di e ex-politiconan.

Como cu tur e areglonan financiero aki aparentemente no tabata suficiente, nan a crea tambe e posibilidad pa acumula varios pension riba otro. Asina ta posibel pa un ex-politico cobra cerca di Af. 20.000,- pa luna na pension so, como consecuencia di acumulacion di pension di

behes (AOV), pension di empleado publico, miembro di conseho insular, diputado, parlamentario di Antiya Hulandes y Aruba y di ministro(-presidente) di Aruba. Esaki ta bay completamente contra e espirito di Ley di Pension!

Un calculo prudente di e suma total cu pueblo di Aruba despues di apenas algun año de Status Aparte mester paga pa e grupo creciente di politico cu a privilegia nan mes, ta indica cu ta trata di varios miyon florin pa año. Asina 20 ex-ministro lo por cobra na pension mas cu Af. 120.380,- pa luna locual ta suma na casi Af. 1,5 miyon pa año. Trinta ex-parlamentario lo por costa comunidad di Aruba alrededor di Af. 186.990,- pa luna na pension, pues casi Af. 2,25 miyon pa año. Cu otro palabra, 50 ex-politico por ta cobrando conhuntamente casi Af. 3.75 miyon na penshon pa año (sin siquiera conta aden e acumulacion di pension!). Ademá nan por cobra nan pension despues di a 'representa pueblo di Aruba'

durante apenas algun año y na un edad cu hopi arubiano mester sigui traha pa un decada mas. E suma anual di pension aki pa 50 ex-politico lo ta suficiente pa paga anualmente 225 hende na Aruba e salario minimo actual! Ta inaceptabel cu dentro di algun decada, un parti desproporcional di presupuesto di Aruba lo ta destina pa paga politico cu a crea y mantene e situacion aki pa nan mes.

Pa nan, B.B.O. di berdad ta un bendicion! Pa e motibo aki partido RED a entrega e mocion pa ehecuta Rapport Fowler, cu ta baha e beneficioman secundario di politico na un nivel mas aceptabel.

Tur partido politico den Parlamento a sostene e mocion aki unanimamente. Ta di spera cu Gobierno lo introduci esaki cu e mesun rapides y determinacion cu el a introduci ley di BBO.

E biaha aki nan por ta sigur cu ningun ciudadano lo manifesta contra introduccion di Rapport Fowler.



**Leysner & de Cuba**

accountants

P.O. Box 379, A. Lacle Boulevard 4, Oranjestad, ARUBA, Tel: (297) 583 3050, Fax: (297) 582 4876, Web: www.leysner-decuba.com

INVITE APPLICATIONS FOR

## ACCOUNTING ASSISTANT

### Requirements:

**HAVO, VWO, EPI and/or PD diploma or equivalent**  
**Minimum of five (5) years practical experience**  
**Working knowledge of Accounting and Payroll software packages**  
**Ability to independently handle month end and year end closings**

**Self-disciplined and auto motivated**  
**Should be able to perform under stress**  
**Representative appearance and good team worker**  
**Fluent in Papiamentu, Dutch and English**

**Applicants should forward updated c.v. together with recent photo to:**

**Leysner & de Cuba, Accountants**  
**P.O. Box 379 - Oranjestad, Aruba**

or:

**E-mail: fdekort@leysner-decuba.com**



## Winners Mexico Lottery:

**1st Winner: Ticket # 00653**  
**Mrs. Ludy van der Vaart**  
**Prize: Mexico Trip for 2 with the Garden Tour all included**

**2nd Winner: Ticket # 07965**  
**Mrs. Lina Gold**  
**Prize: Fantastic Gardens Gift Certificate Afl. 500.--**

**3rd Winner: Ticket #02840**  
**Mrs. Elizabeth Jansen**  
**Prize: Fantastic Gardens Gift Certificate Afl. 250.--**  
**Congratulations to all the winners!**

# Husticia/Policial

10-AWE **Mainta** | Diahuebs JANUARI 18, 2007

*Ministerio Publico ta reacciona*

## Riba comentario duna pa ATV, pakico ta persigui Henny Eman y no Ministernan Swaen, Lee y Croes

Den e programa Noticia Awe Nochi na e canal di television ATV a wordo bisa cu tin duda den e imparcialidad di Procurador General, pasobra ta persigui e ex-Prome Minister Henny Eman den e caso di Fondo Desaroyo San Nicolas y no ta persigui Ministernan Swaen, Lee y Croes p'e denuncianan cu a wordo haci contra nan.

E ponencianan aki no ta cuadra cu berdad, segun un comunicado emiti pa drs. Mariaine Arends-Croes Relacionista Publico di Ministerio Publico. .

Na prome lugar mester remarca cu no ta solamente ex-Prome Minister Henny Eman ta wordo persigui den e caso di Fondo Desaroyo San Nicolas, pero tambe ex-Minister Tico Croes.

### NO TA PERSIGUI EMAN

Tambe t'asina cu tin caso unda e decision a wordo tuma pa no persigui ex-Prome Minister Henny Eman.

Na aña 2005 un ambtenaar a haci denuncia contra ex-Prome Minister Henny Eman a base di articulo 372 di Codigo Penal, bisando cu e ex-Prome Minister a actua contra ley dor di nombra y duna promocion na cierto persona hopi liga na dje y su partido politico y ademas e ex-Prome Minister a duna orden na Departamento di Personal pa ehecuta e decisionnan.

Den e caso aki ningun investigacion a wordo haci y e Fiscal a bisa cu e no ta per-



sigui e caso aki penalmente, pasobra e no ta haya oportuno pa haci esaki. E denunciante a entrega un keho na Hof manera ley ta prescribi y Hof a bisa cu e decision di e Fiscal ta corecto, Arends a laga sa.

### TIN SUFICIENTE PRUEBA PA PERSIGUI

E vocero di Ministerio Publico a sigui bisa cu den e casonan unda denuncia a wordo haci contra e ministernan Swaen, Croes y Lee, te ainda e denunciantenan no a entrega keho na Hof pa Hof huzga si e Fiscal a actua corecto.

Den e caso di Fondo Desaroyo Nobo San Nicolas, dos abogado di ex-Prome Minister Henny Eman den un reunion cu Procurador General riba dia 25 di november 2004 a pidi Procurador General pa no persigui ex-Prome Minister Henny Eman of pa caba e caso cu un voorwaardelijk sepot of transaccion of pa pidi Huez-Comisario pa tende testigo den un Gerechtelijk Vooronderzoek prome cu bai over na dagvaard ex-Prome Minister Henny Eman.

Den e caso di e ex-Minister President Henny Eman e Fiscal encarga cu e caso, kende t'esun cu ta tuma e decision pa persigui of no persigui, a huzga cu tin suficiente

indicacion di culpabilidad di ex-Minister President Henny Eman p'e trece e caso dilanti Huez, dus pa persigui ex-Minister President Henny Eman. Huez tambe a huzga den e caso cu ex-Prome Minister Henny Eman a lanta contra su dagvaarding cu tin suficiente indicacion cu ex-Minister President Henny Eman a haci su mes culpabel na violacion di articulo 372 di Codigo Penal y cu mester laga e Huez cu ta bai trata e caso huzga si ex-Prome Minister Henny Eman ta culpabel of no.

### A PIDI SEPOT CONDICIONAL

Pa loke ta trata e peticion pa caba e caso cu un sepot condicional t'asina cu si un

persona pidi pa caba su caso cu un sepot condicional, e ta admiti culpabilidad n'e hechonan di cual e ta wordo sospecha. E Fiscal a opta pa laga Huez huzga si ex-Minister President Henny Eman ta culpabel of no.

Pa loke ta e peticion di e abogado pa pidi Huez-Comisario scucha testigo den un Gerechtelijk Vooronderzoek, t'asina cu ley ta duna e abogado tambe e posibilidad pa pidi Huez-Comisario pa scucha testigo den un Gerechtelijk Vooronderzoek. E abogado di ex-Minister President Henny Eman no a haci uso di e posibilidad aki.

Te asina leu e declaracion di Ministerio Publico riba e caso aki y e comentario di ATV.



### PARTICIPACION

SETAR ta informa tur usuario di e sistema di manda mensahe di MAS (sms) cu debi na trabounan di mantencion tur telefoon celular TDMA cu ta cuminsa cu un 9 dilanti, lo por experencia un interrupcion den e servicio aki

**diabierna dia 19 di januari 2007**

durante e oranan di 12 'or di anochi pa manece 6'or di marduga.

SETAR ta pidi pa porfavor tene cuenta cu esaki.

# Pa paga prima di bo seguro

di *auto, bida, candela, etc.*,  
den un solo pakete y den termino mensual favorabel,

**Nos ta na bo Servicio.....**

**A. F. Aponte**  
**Insurance Brokers N.V.**

Tanki Leendert 293  
Tel: 5874228

*26 anja na bo servicio*

# Dos kilo y mei den maleta di tripulante



A yera merdia personal di Douane seccion di Waf cu tabata atento a ripara cu un tripulante di e barco Regency cu a yega Aruba 16 di januari 12.30 di merdia a baha for di e barco cu un maleta den su man y tabata bay pa sali for di Waf di Bacadera. E douanero a aserca e tripulante di number A.OR naci na Tolima Colombia, di nacionalidad colombiano, y pidie pa drenta den kantor di Seccion di Douane di Waf Barcadera. Ora di controla e maleta personal di Douane a ripara cu e maleta tabatin un peso fuera di normal y a hasi algun pregunta na e tripulante cu a admiti di biaha cu e tin droga den e maleta pero bon seya. Personal di Douane e ora ey a hasi uso di un boor pa bora e maleta di plastico cu a resulta di tin bandanan dobel y cu a laga e boor cubri cu substancia blanco. Despues di e debido test di droga e substancia menciona a resulta di ta cocaine. E homber A.OR a worde deteni pa banda di 1:30 di merdia a base di artikkel 3 y 11c di ley di droga. E mercancía, cu ta 2 ½ kilo di cocaine, a worde tuma den beslag. Hunto cu e homber A.OR e droga a worde pasa over pa Seccion di Crimen Organisa di Polis pa sigui cu e investigacion. Bon trabao di personal di Seccion di Waf Barcadera.

**AWEMainta**  
*e corant di Toko*  
**Tel: 583-1400 Fax: 583-1444**

**Kico ta BBO?**

**Kico e ta nifica pa mi como consumidor?**



**BBO, asina e ta!**

**BBO, KICO ESEI TA?**

BBO ta nifica 'Belasting op Bedrijfs-omzetten'. E ta un impuesto cu ta wordo introduci dia 1 di januari 2007.

**KICO ESAKI TA NIFICA?**

Cu e negoshinan lo mester paga 3% di impuesto riba e suma di nan benta.

**UN IMPLUESTO NOBO?**

**KIER MEN NOS TA PERDE NOS PODER DI COMPRA?**

No, pasobra lo baha e otro impuesto-nan manera, inkomsten-, loon- y winstbelasting. Asta ta baha "invoerrechten" riba cierto product.

**PAKICO TA NECESARIO PA BINI CU BBO?**

Lo cobra menos belasting riba entrada y mas riba loke ta gasta. Esaki lo tin entre otro como consecuencia cu e personanan cu ta traha clandestinamente,

awor tambe ta paga belasting (indirectamente).

**COMO CONSUMIDOR, MI MESTER YENA UN FORMULARIO?**

No, esaki ta conta solamente pa comerciante.

**NA UNDA MI POR HAYA MAS INFORMACION?**

Servicio di Impuesto tei pa yuda bo. Yama nos liña di informacion 588-3598, manda fax na 583-8446, e-mail bo pregunta pa bbo@siad.aw of bishita nos Centro di Informacion pa BBO na Rockefellerstraat. Por lesa tambe e foyeto special pa consumidor cu bo ta haya na cas.



## Menornan di edad riba caya te laat

**D**iamars 12:30 di marduga, Central ta manda patruya di Noord na un cas na Bubali unda cu dos sospechoso a ser mira riba bais. Ora cu polis a yega na e cas, un señora tur histerico a core sali topa nan. E ta bisa cu su casa lo ta coriendo tras di dos mucha homber cu tabata wak den su cas. Mesora patruya ta bai den direccion cu e homber lo a core bai cu ta direccion di E Bocco Restaurant, pero nan no ta wak niun hende. Un rato despues Central ta yama nan bisa polis cu e homber lo ta siguiendo e muchanan banda di Adventure Golf. Mesora patruya ta bai den vecindario. Den Caya Mazurca patruya ta bin topa cu e sospechoso M.M. di 15 anja, naci na Hulanda, y un otro hoben mas ta cana. Manera cu e otro a wak polis el a core bula un muraya y a core drenta mondi. Polisnan ta purba core tras di e hoben, pero nan ta perde for di e bista den e mondi. E hoben M.M. ta bisa polis cu e bais lo ta di un tal S. Mirando e circunstancia, polisnan a dicidi di hiba e hoben warda pa yama su mama bin busk'e. Na warda e ta conta polisnan loke a pasa. E ta bisa cu e y dos amigo mas a bai busca un apartament. E tal S. a drenta cura di e cas hunto cu un otro hoben mas. Den esey e ta mira e otro dos hobennan Sali na careda. Sin sa kico tabata pasando e tambe a cuminsa core. Pa colmo ora cu polis a bai pa yama e mama a resulta cu e ta interna den hospital. E mama ta bisa cu el a laga su yiu muher di 13 aña hunto cu su ruman M.M. bao cuida di un bisiña y cu e no sa kico ta pasando. E bais nan a keda confisca na warda, mientras cu M.M. a wordo hiba su cas.

## Homber ta pasa hoben dor di bentana

**D**iamars 1:45 di marduga, Central ta manda patruya di Santa Cruz na un Cafe Restaurant na Pabilon pa un pelea. Na yegada polisnan ta wak cu e bentana di e cafe ta kibra. Ey nan ta papia cu un testigo di inicial S. E ta declara cu e homber D.S. di 30 anja, naci na Aruba, tabata papiando cu un tal W. cu ta omo di e hoben J.W. Segun S. e homber W. dadomomento a cuminsa haci fastioso cu D.S. Aki e hoben J.W. di 18 aña a dicidi pa coi un boter y kier a bin dal D.S. cu ne. D.S. a wak e intencion di J.W. y a coi e hoben his'e bent'e dor di e bentana di e lugar. J.W. a haya corta na su frenta pa cual e mester a wordo transporta cu ambulans pa hospital. J.W. y e donjo R.C. di e lugar lo pasa entrega keho contra e homber D.S.

## Homber ta keda fastioso ya cu muher no kier haci nada cu ne

**D**iamars 5:00 di mainta, patruya di San Nicolas ta wordo manda den Govertflinckstraat pa un homber fastioso. Na e bar polisnan ta papia cu un muher di bida, kende ta bisa cu e homber J.R. di 35 aña lo a menas'e. J.R. lo ta bisti cu un short y un t-shirt cora. Polisnan a tuma e denuncia y a bai warda. Mei ora despues nan ta bolbe worde manda na e mesun bar ya cu J.R. lo a bolbe bin haci fastioso. N'e sitio e muher ta bisa polis cu J.R. a bolbe bin na e lugar y a scop su porta di camber. Despues di esey e homber a baha na awa. Patruya ta bai tira un bista y den Jan Steenstraat nan ta bin topa cu J.R. ta cana. E ta bisa polis cu e kier servicio for di e muher, pero e mucha muher no kier. Awo e kier su placa bek ya cu e no a haya nada. Pa colmo e prostituta no kier dun'e su placa bek. Nan a scual J.R. y a core for di e sitio.

## Hortamento na den dia cla na ex Bushiri hotel

**D**iamars 1:30 di merdia, Central ta manda patruya di Santa Cruz pa un cas na Santa Cruz caminda cu nan a persigui un auto cu cosnan horta. Na yegada polisnan ta papia cu un testigo, kende ta bisa nan cu el a sigui un autobus for di ex Bushiri hotel te eynan ya cu e tabatin cosnan horta for di e hotel. Polis ta bai papia cu e dos muhernan den e auto bus. E muhernan di fam G. ta bisa polis cu nan a pasa banda di e hotel y a wak yen di cos di e hotel riba beach. Como cu nan a wak varios otro hende ta coi cos, nan tambe a dicidi di coi muebel di e hotel. Na e beach tabatin un pickup cora cu yen yen di cos di e hotel. Despues cu e pickup tabata yen e chauffeur a baha na awa. Polisnan mesora a pone departamento di D.I.P. na altura di e caso. Polis a tuma e cosnan den beslag y a hiba e dos muhernan warda. Despues cu a tuma nan declaracion y a duna nan proces verbaal e dos muhernan a wordo laga den libertad.

## Hoben onbeschoft di 13 aña ta bin busca problema na cas di hende

**D**iamars 5:15 di atardi, e senjora E.O. di 52 aña ta bin Warda di Noord y ta bisa cu e kier entrega keho contra S.K. E ta sigui bisa cu e dia anterior lo tabatin un pelea na su cas entre su yiu muher y un tal S.K. di 13 aña. Segun E.O. e hoben S.K. a bin na su cas y a cuminsa grita M.C. di 12 aña cu ta yiu di E.O. pa bin bringa. Ora cu E.O. a sali puntr'e ta kico ta su problema, e no a haya niun contesta. Manera cu S.K. a wak M.C. sali pafo, el a bai riba dje y a cuminsa batie. El a batiE manera cu el a haya ta bon. Algun testigo y bisiña a bin yuda e mama kita S.K. for di M.C. Pa colmo ora cu E.O. a bai pa yuda su yiu el a haya un saco di sushi den frenta. Den e saco lo tabatin un obheto skerpi ya cu e mama lo a haya un kap na su frenta. M.C. a haya sla diferente caminda y su horea a wordo herida. Polisnan a avisa e señora pa bai poli y despues pasa recherche pa entrega keho.

**GOURMET COOKING CLUB**  
Regency Park 50C

Ta introduci:  
**MARIA DEN CUSHINA™**

Sinja con pa:  
1. Cushina Cumindanan di Lama  
Ariba diarazon: 7.00 - 10.00 p.m.  
2. Cushina Criollo  
Ariba dialuna: 7.00 - 10.00 p.m.

Pa mas informacion jama na telefoon Cell: 592-3609

**Usa bo placa conscientemente cada dia**  
**Abona y ricibi bo corant preferi te na porta di bo cas tur mainta**

**AWE Mainta**

**Abona yama 583-1400**

## Fecha final a pasa!

# No ta acepta formulario di Manpower Planning mas

**T**umando nota di varios peticion, Ministerio di Labor, Cultura y Deporte (MACS) ta informa publico en general cu no ta acepta formulario di Manpower Planning mas. E fecha cual a keda anuncia y publica ampliamente den medianan di comunicacion, tabata 30 di November 2006. Como tal MACS ta recorda tur negoshi of instancia cu pa un motibo of otro no a entrega nan 'Manpowerplanning 2007 (MPP)' manera requeri prome cu 1 di December 2006, pero cu ta desea di aplica pa un excepcion, cu nan mester dirigi un carta por escrito na Director di Departamento di Labor

y Investigacion (DLI), señor drs. mr. Franklin Kock. Por favor, tuma nota cu **ni e Minister encarga cu Labor, ni Ministerio di Labor, ta acepta ningun peticion.**

Ministerio di Labor ta lamenta profundamente cu un biaha mas hopi negoshi of instancia a deha of no a cumpli cu e peticion di Departamento di Labor y Investigacion pa nan entrega nan MPP na tempo, esta prome cu dia 1 di December 2006. Un campaña extenso a keda publica desde September aña pasa pa informa pueblo en general, y particularmente tur actor cu mester cumpli cu entregamento di un MPP, pakico e

MPP ta importante pa Departamento di Labor y Investigacion y kico ta wordo haci cu e cifranan cu ta worde genera cu esaki. Ademas a publica tambe kico ta e consecuencia cu e falta di entrega di e MPP ta trece cu ne. E comision encarga cu e campaña a bai na diferente ocasion na diferente radio y television. Tambe a publica comunicado, y recordatorio den corant. DLI a duna diferente rueda di prensa desde September aña pasa. Ademas di tur esaki, nos no mester lubida cu, tur comerciante (registra) a ricibi un carta for di DLI caminda ta informanan tocante MPP y e periodo di entrega. Alabes

DLI a ofrece **8 anochi** (banda di nan servicio normal) di servicio na publico caminda tur actor por a pasa libremente na DLI caminda nan a yuda tur cu a bin pa yena nan MPP gratuitamente. E fecha stipula pa entrega formulario a pasa. Director di Labor y Investigacion, ta encarga cu eheccion di e maneho di MPP y ta e unico persona cu tin e autoridad pa haci excepcion. Ta mas cu claro, y muy especialmente mirando tur e publicidad y campaña cu DLI a haci di antemano, cu ta unicamente peticionnan acompaña pa motibonan valido, por hustifica consideracion pa excepcion.

## Delegacion di Julianaschool cerca Gobernador



**R**ecientemente un delegacion di Julianaschool a haci un bishita di cortesia cerca Gobernador señor Fredis Refunjol. Meta di e bishita tabata pa ofrece un recuerdo di e scol na Gobernador di Aruba relaciona cu e bishita di La Reina na Aruba na november 2006. La Reina lo ricibi tambe un recuerdo di e scol. E delegacion di Julianaschool tabata consisti di director adhunto señora P. Paula, docente V. Arendsz y e alumnonan Misherla Barques, Jeanellij Everson, Jinena Mackintosh y Alesander Figaroa.

# Mas información di “Treasure Hunt”

*Di Fundacion Respetami*

**E**motibo cu a funda Fundacion Respetami 15 aña pasa tabata e aumento di e cantidad di caso di abuso sexual bao menornan. Pa tal motibo a funda un organizacion contra abuso sexual di menor cu e meta pa defende interes di e victima di abuso sexual y pa preveni abuso sexual bao di menornan. Pero masha liher a bin dilanti cu e fundacion mester a bay dirigi su mes riba tur forma di abuso di mucha.

Nos por mira cu rond di e abuso di mucha constantemente tin movicion riba e tereno aki. Mundialmente ultimo añanan e enfoque ta riba violencia domestico.

*Violencia domestico ta violencia di un miembro di famia of un amigo(a) di e cas unda e victima ta biba. Esaki por ta violencia fisico y/of sexual y/of menaza y por encera daño na propiedad den of rond di e cas.*

Locual antes tabata un asunto interno, awor a bira un asunto publico cu consecucionan (negativo) pa henter comunidad.

Na Aruba tambe esaki ta sosode hopi. Durante dianan di fiesta y cambio di aña hopi delito di violencia ta tuma lugar den casnan. Ultimo tempo bo no ta habri corant sin mira algun caso di violencia entre pareha menciona. Esaki no solamente ta violencia verbal, pero hopi biaha violencia fisico

cu consecuencia di lesionnan.

Como Fundacion Respetami nos a puntra nos mes unda y con e muchanan di e parehanan en cuestion a keda? Hopi biaha nos ta lubida cu aunque e muchanan no a ricibi daño fisico, nan ta keda cu consecucionan duradero door di ta testigo di violencia domestico. Nan ta presta menos bon na school, nan ta isola nan mes for di otro mucha of hasta ta bay over pa usa violencia. Den bida futuro por resulta di cu nan tin problema cu relacion (intimo) y con pa lanta nan propio yiu.

Pa duna comunidad mas conocimiento tocante abuso di mucha y asina yuda preveni esaki Fundacion Respetami ta organiza un Treasure Hunt riba su website [www.respetami.aw](http://www.respetami.aw) den e siman di 22 te cu 26 di januari venidero. E treasure hunt aki lo tuma lugar riba e website mes entre 8'or di mainta y 8'or di anochi y tin tres categoría di edad: 6 te cu 12 aña, 13 te cu 17 aña y 18 aña pariba (adulto). Tur dia bo por gana premionan atractivo. Ora bo participa tur 5 dia bo tin chens pa gana e premio mayor of un di e premionan di consuelo. Participa pa gana y na mes momento haya mas conocimiento tocante abuso di mucha. Asina hunto nos por minimaliza un generacion nobo di abusador y victimanan.

# Douane lo ta celebrando y conmemorando e di dos lustro di celebracion di dia internacional di douane

Hefe di douane suplente, Antonio Peña, durante un conferencia di prensa a comenta cu douane ta celebrando dia internacional di douane cu ta cai den e siman di 22 pa 26 di januari.

El a comenta cu a pesar di diferente movencionnan cu a tuma y ta tumando lugar, no por laga e fecha aki pasa sin mas, pasobra esaki ta e di 10 año cu ta bai celebra e fecha aki. Peña a comenta cu tur año inspector di invoerrecht en accijnsen ta nombra un comision pa traha un programa pa despues wordo aproba. Esaki pasobra douane ta traha shifts y mester tene na cuenta cu mester keda duna servicio na e clientenan.

Tambe Antonio Peña a comenta cu tin biaha nan ta celebra e fecha aki cu paisnan den nos region, pero e biaha

aki a dicide pa keda cas y celebre den un forma masha chikito mes, pero toch a pone mas tanto programa deportivo. Pa medio di esaki, hefe suplente di douane, a manda un invitacion na tur douanero como civilnan cu ta traha cu douane pa presenta na tur e eventonan y asina apoya e siman di celebracion di douane. E programa pa e siman di celebracion a wordo traha door di e comision bao di liderasgo di Gregory Jacobs, kende ta presidente di club di douane. Segun Peña, e programa ta hopi deportivo y e meta no solamente ta bai pa celebra, sino pa traha tambe riba union y comunicacion cu semper mester tin den e cuerpo pa por tin exito.

Igualmente el a desea tur miembro di douane exito y pa corda participa pa

asina e siman por bira un exito.



# Algun sugerencia pa mayornan responsabel

*Skirbi pa: Eduard Pieters*

Ultimamente tin hopi caso lamentabel di muchanan bao di 19 año cu ta comete actonan peligroso contra nan mes y contra otro. Hopi ta tira e responsabilidad riba e mayornan y mayornan ta tira e responsabilidad riba bar, nightclubs, polis, etc. E punto principal ta cu ningun hende kier tuma nan responsabilidad di e rol cu nan tin den comunidad. Rolnan manera mayor, polis, maestro, parlamentario, minister, etc. Responsabilidad di e muchanan ta keda primordialmente na e mayornan. Ta p'esey bo a scoge conscientemente pa bira un mayor, un lider pa un ser chiquito indefenso den e mundo aki pa bo mostr'e e caminda bon y ta un bon ser humano. Awendia mayornan tin mester di guia den e mundo complica aki y tin guia pa nan, pero e mayornan no ta yega na haya e guia aki. Un caminda e comunicacion ta kibra y e falta di sinti responsabel pa educa e mucha ta keda afo pa multiple motibonan cu nos como mayor sa bon cu nan ta.

Tuma tempo pa bo yiu.

Un factor ta tempo. Suplica ta bay na mayornan pa tuma un tempo cortico, quizas coriendo den auto mes y puntra bo yiu con a bay na scol. Kico el a haci na scol. Kico e no a gusta na scol, cua actividad of les el a gusta mas y cua no, etc. Pa stimula y reenforza loke e mucha ta gusta na scol, sali haci algun actividad cu ne cu tin di haber cu un of mas aspecto di e les cu e ta hayando.

Defini su expectativanan y bin cu un rutina.

Demuestra bo yiu cu bo ta valor'e, dor di tuma su

expectativanan realistico di scol na serio. Spera di bo yiu loke bo yiu por, dor di aprecia y balora lo minimo cu e logra den su estudio y no exige algo irealistico di dje. E lo aprecia esaki hopi y bo lo ripara cambio den su actitud, pasobra e ta mira su mes como un persona util den e comunidad.

Stipula den boso dos un rutina (schedule) pa traha su "huiswerk" y haci otro actividadnan, manera hunga Xbox, wak television, etc.

Sentido voluntario

Ofrece bo yiu pa haci trabao voluntario. Esaki ta pa segura cu dia di mañan e por yuda su compatriota den necesidad enbes di hinc'e den mas dificultad. Lamentablemente mi tin di bisa cu esaki masha poco ta sosode na scol of den famia. Algun instancia cu ta haci trabao voluntario ta: Pro Famia Feliz, pa medio di encuentronan di yiunan, Key Club, Kiwanis Club, Telefon pa Hubentud, ATHA, YMCA, Lions club, etc. No pensa dos biaha lanta e telefon y tuma contacto pa haya mas informacion di e instancianan aki.

Contacto cu scol

Semper ta den contacto cu scol y cu maestro di bo yiu. Sea cu ta den actividadnan recreativo di scol mes of di e mucha su logronan na scol. Un bon cooperacion entre scol y comercio por haci involucramento di mayornan den scol posibel. Esaki ta aplicabel pa basta año caba na Puerto Rico.

Probecha actividadnan informativo organisa pa scol

E actividadnan aki mayoria di biaha ta gratis

y durante e actividadnan aki bo ta haya informacionnan al caso cu ta yuda bo educa bo yiu. Tin biaha cierto actividadnan informativo ta costa hopi placa y e ta impagabel pa un persona of un pareha cu tin salario minimo. Pero ora e ta pornada, nos mester tuma e oportunidad Ofrece bo mes pa yuda scol y actua conscientemente

Como mayor, bo por yuda scol voluntariamente, claramente si esaki ta na bo alcance. Esaki no mester ta algo dificil. Si bo por baila, pinta (handarbeit), haci un deporte, etc bo mes por ofrece scol pa yuda realisa un programa special pa e muchanan despues di oranan di scol. Especialmente pa e muchanan cu ta keda cas nan so y no tin placa pa paga Tra'i merdia. Abo ta e modelo principal di bo yiu, pues sea consciente di bo actonan. Si bo yiu mira cu bo ta saca tempo p'e y bo ta muestra interes den su estudio y otro cosnan cu e gusta haci mi ta sigurabo cu su actitud lo cambia y bira mas positivo. Si bo yiu ta mira cu bo ta haci trabao voluntario na su scol e tambe ta sigui bo pasonan y haci un of mas trabao voluntario.

Sea den un organizacion of simplemente chapi den cura di e bisiña cu no por haci'e. Traha un schedule, un estructura hunto y lo bo mira cu e lo yuda bo den cas y e mucha mes ta desaroya un sentido di responsabilidad, ya cu e'la trah'e hunto cu bo(so). Mi mesahe ta cu nos mester cuminsa uni y yuda mayornan pa nos muchanan bira un bon lider di mayan y no warda te ora e cosnan bira peor pa asina actua.

**ATA a participa na Vakantiebeurs Utrecht**

# E bolsa turistico mas grandi di Hulanda

**A**ruba Tourism Authority – Europe a ser nomina un biaha mas como un di e mihor oficianan di turismo na Hulanda pa ReisRevue, e revista di gremio turistico mas grandi di Hulanda! Aruba Tourism Authority – Europe a participa un biaha mas na e bolsa turistico mas grandi di Hulanda, esta De Vakantiebeurs cu un stand, musica y un show Carnavalesco.

E bolsa di turismo mas grandi di Hulanda ta tuma lugha na Utrecht y e aña aki atrobe Aruba ta presente cu un stand. Un total di 135,768 persona a bishita e feria y espectativanan ta muestra hopi positivo basa riba e tendencia cu e Hulandes ta interesa cada bes mas den haci viahenan mas lew y tambe, hopi importante, mas lujoso. ATA a estrena un stand nobo presentando aspectonan mas bunita di Aruba. Tambe a dicidi di bin cu un show carnavalesco cu musica en vivo y bailarinnan bunita disfrasa. Esaki a hala hopi atención di esnan presente y e stand di Aruba tabata bon bishita. Potretnan grandi di un mata di aloe, un boto di piscado riba e bunita lama blou etc, ilumina cu spotlights a jama atención na e stand. Un di e motibonan importante pa Aruba Tourism Authority ta presente na e ferianan aki ta pa reuni cu e touroperadornan pa asina stimula mas benta pa Aruba. Durante Vakantiebeurs, Area Director pa ATA-E, Humprey Vrolijk a topa cu Thomas Cook, TUI, Maduro Travel, Does & Cadushi y OAD. Nan pronostico pa Aruba ta sumamente positivo y hasta Thomas Cook a cuminsa bende Aruba y lo hinca Aruba den nan programa atrobe después di 7 aña. Den e proximo siman OAD lo cumins pasa comercial na televisión promocionando Aruba. Sr. Vrolijk a probecha pa reuni cu ehecutivonan di Martinair pa asina discuti e plannan di mercadeo conhunto. Manera



ta conoci, Martinair lo cuminsa bula pa Aruba atrobe desde prome di April 2007 cu un vuelo semanal y esaki ta resultado di e demanda creciente cu tin pa Aruba.

Otro bon noticia ta cu Aruba Tourism Authority – Europe a bolbe ser nomina como un di e miho oficianan di turismo na Hulanda pa e revista ReisRevue, cu ta e revista di gremio turistico mas importante na Hulanda. Area Director ATA-E, Sr. Vrolijk ta mira bek riba un participacion exitoso di Aruba na Vakantiebeurs; un gran cantidad di bishitante y hopi interes di parti di e consumido como tambe di e touroperador y di prensa ta haci cu Aruba lo por mira un crecimiento notable for di Hulanda den 2007.

*Bunita gesto di Kiwanis Club of Aruba*

# 20 buki mas pa biblioteca di Juliana School

**D**iaranson 17 di januari, Presidente di Kiwanis Club of Aruba, sr. Carlos Albertus y sr. Radi Abdoel-Khan miembro di e comision pa hubentud di Kiwanis, hunto cu e escritor sr. Herman Hennep a presenta na Juliana School pa haci entrega di 20 buki pa nan bibliotheca escolar. Cu e donacion aki Kiwanis Club ta cumpliendo cu nan lema “Mucha Prioridad # 1”. Maestra di Papiamento, juffrouw Croes, a prepara un poesia cu su muchanan a declama pa asina muestra nan gratitud pa e gesto bunita di Kiwanis y sr. Hennep, kende ta escrtor di e buki. Juffrouw Vermeulen como miembro di seccion di biblioteca di Juliana School a ricibi e bukinan cu hopi entusiasmo, ya cu esaki ta un aporte grandi pa e bibliotheca escolar. E titulo di e buki ta ‘Tres diferente ruta’ y tin uso di droga y su consecuencianan como tema. Un tema sigur semper actual y interesante pa hobennan lesa di dje. Juliana School ta hopi agradecido na Kiwanis Club of Aruba pa e donacion valioso aki cu lo contribui na mas lesamento den nan mes idioma bao di nos hobennan. Cu introducion di SHA nos dushi Papiamento a haya su merecido lugar na skol y cu mas buki na Papiamento mas nos hobennan lo siña di nos cultura y idioma.



## FOCUS RIBA FAMIA

### ACTITUD DI ADOLECENTE

Con un mucha feliz y cooperativo di 12 aña direpente por bira un mucha cu mal humor y depresiona di 13 aña?

Tin dos forza potente cu ta domina nos muchanan den e prome añanan di pubertad, y ta causa di parti di e comportacion straño cu ta haci mayornan loco. E prome ta di un naturalesa social, cu un presion increibel infligi riba adolescentenan pa e grupo di nan semehante. Pero e di dos, cu ami ta kere ta mas importante, ta di un naturalesa hormonal. Nos por mira e efecto di e hormonanan aki riba e curpa fisico, claro, pero algo mes dinamico ta pasa den e cerebro. Quimica humano aparentemente ta bira extravagante y impredecibel pa un par di aña, afectando e mente como tambe e curpa. E rebeldia interno ta motiva e mucha – tanto homber como muher – pa haci cosnan cu absolutamente no tin sentido pa e adultonan cu ta observa silenciosamente na banda. Tin un tendencia pa mayornan bira desespera durante e periodo di transicion. Aparentemente tur loque nan a siña nan yunan parce di a bai perdi pa un par di aña. Disciplina propio, limpieza, respet pa autoridad, etica di trabao, e ta hasta cortesia comun por parce casonan perdi.

Pero ..... tin bon noticia! Tin miho dianan na caminda – mi ta priminti esey! P’esey, quizas e miho conseho cu mi por ofrece awor ta: No tin pura pa purba identifica e persona cu bo yiu lo bira!

## PANADERIA DEL PUEBLO



Guyabastraat 4, Dakota Tel: 582 4748



*Don Flip Carnival Group*

## **Den full swing cu "Fantasia di Fairy's y Leprachaun"**



informacion na 5859000, Irena Geerman na 5637694, Joy Werleman na 5933458 of Lisa Henriquez na 5617171. No laga bo yiu keda sin bai den carnaval paso nan t'e futuro di nos Carnaval. Don Flip pa 5 ocasion ta bai cu grupo di mucha den carnaval.



**T**'asina mes, Don Flip Carnival Group ta trahando duro pa su grupo di mucha por presenta den e parada na San Nicolaas y Oranjestad cu e tema "Fantasia di Fairy's y Leprachaun". E trahenan ta masha bunita pa tanto mucha muher y mucha homber. Don Flip kier a extende su invitacion p'asina bo tambe tira un bista of si bo ta interesa pa bai den Carnaval bo por pasa inscribi, wak e modelonan, tuma midi y escohe bo color preferi p' asina bo por jump cu e banda The New Climaxx. Inscripcion ta solamente 25 Florin y 115 Florin p'e trahe. E headquarter (cede) e biaha aki ta na Horsepower Trading (net dilanti di Hubo) na Santa Cruz 21 y nana ta habri di 9'or di mainta te cu 9'or di anochi tur dia y por yama pa

## **Festival di Tumba 2007 ta cla**

**S**AC a duna di conoce cu presentacion di parchi pa Festival di Tumba ta na venta y cu esaki ta obtenibel na oficina di SAC y Mandingo Snack pa unicamente 25 Florin. E parchi aki tambe ta valido pa 1 free drink na por y asina tambe SAC y e comision organizador ta yama'bo bon bini.



Pa loke ta bait a e bandanan cu lo ta riba escenario nos tin e secuencia official di diasabra anochi 1. Dibo Band, 2. Zeta Banda, 3. Perfect Sound, 4. Robert y su Solo Banda, 5. Biba Lekker Band, 6. Unique Band, 7. The New Climaxx, 8. Badu, 9. Surprise Band, 10. Mega, 11. Stimami y 12. Orquesta Search

Asina ta nos ta sigur cu e publico lo bai goza di un tremendo Festival di Tumba.

## **LA LINDA**

Durante temporada di Carnaval,  
ta converti su mes den

### **E PACUS DI CARNAVAL**

Ta ofrece na tur Carnavalista si tradicional 10% di descuento riba tur articulo pa Carnaval Asina contribuyendo cu Carnaval di Aruba  
**BIN WAK PA BO MES.**



## **MARIETJE PRINTING**

Gasparito 10C Noord Tel: 586-8989

**Pasa serca nos pa nos print tur bo t-shirt durante e temporada aki di Carnaval 53**







**R.E. Yrausquin & Sons ta cu Santa Cruz "Celebration of life"**

Esta e soño di tur mucha muher...esta di un dia por tin e corona di Reina di Carnaval di Aruba riba nan cabez. Ultimo tempo sinembargo e competencia durante e eleccion di Reina Grandi di Carnaval di Aruba a bira uno grandi, e la bira un show riba su mes cu ta hala un publico masha grandi pa apoya nan candidata favorito. Den esaki, no solamente e inteligencia di e candidata ta resalta, pero su creatividad pa por presenta un espectáculo durante 10 minut largo riba escenario. Cu masha orguyo R.E Yrausquin & Sons, agencia di e autonon Mitsubishi y Ford ta anuncia

nan compromiso como patronisador principal di e candidata Marilyn Croes, kende lo representa Santa Cruz. Marilyn Croes tin 21 aña di edad y ta estudiante di ley na Universidad di Aruba, ademas e ta secretaria di Kiwanis Circle K of the University of Aruba. R.E Yrausquin & Sons no a duda na momento cu nan a keda aserca pa Team-Marilyn cu e peticion pa patronisa e Reina Grandi di Santa Cruz. E forma profesional, incluyendo henter un plan pa henter e temporada di Carnaval y cu un equipo completo di hendenan experencia tras di e candidata, a convence gerencia

di e agencia di auto cu mas a crece aña pasa mesora. "Nos ta conciente cu participacion den eleccion di Reina awendia ta bini cu gastonan halto. Di otro banda, nos ta contento cu e pueblo di Santa Cruz a sa di cuminza prepara for di trempan, a escoge nan reina y cuminza traha riba e eleccion final mesora. Mi ta premira un eleccion tur afo cu un tremendo show riba escenario na unda lo tin abundancia di beyeza, inteligencia y creatividad. Ta pesey, di mes nos no por keda afo di Carnaval 53" asina Cristina Yrausquin di e famia grandi di R.E Yrausquin & Sons a duna di conoce

**E Reyman Infantil y Hubenil a haya nan cellular di Setar**



Den e programa di Tele Aruba Den Dje, Clem van Heyningen di e departamento di Mercadeo di Setar a haci entrega oficial di e premio cu ta un cellular. E dos hobenan cu a gana e competencia di Calpyso y Roadmarch 2007 ddecategoria a keda sumamente contento cu nan premio. Tanto Mighty Buddy como Biggie Boy a keda feliz awo cu nan ta comunicabel.

na momento di anuncia nan patrosineo na Marilyn Croes. Detayenan di e show y tema di e presentacion no ta cla pa publicacion ainda, pero por cuminza anuncia for di awo caba cu e tema ta carga e nomber di "Celebration of Life". Den esaki e candidata tin henter un presentacion prepara y ta muestra for di awo

caba cu lo ta trata aki di un candidata hopi fuerte. E solo hecho cu Santa Cruz completo ta para su tras y cu e sosten financiero di R.E Yrausquin & Sons cu su autonon Mitsubishi y Ford ya ta garantia pa un bunita presentacion durante e anochi final di eleccion di Reina Grandi di Aruba su carnaval.

**NOBLE WHISKY**  
Palmera Quality Products

Enjoy Carnival with a peace of mind!  
Let us take care of you...  
Ask for our HOME PLUS coverage  
**AIG AMERICAN HOME**  
ARUBA ASSURANCE  
Global Reach. Local Service  
Phone: (297) 582-5500 • E-mail: aharuba@aig.com

**The Music Box**  
Celebrando su 30 aña di existencia den Carnival 53  
THE ROCK & REGGAE SHOP  
Tel: 5824329 - Fax: 5838199  
email: themusicbox@setarnet.aw

**Panaderia del Pueblo "Wonda Loaf"**  
Guyabastraat 4 - Tel: 5821915  
Nos tin tur tipo di pan pa tur tipo di evento Carnavalesco

**La Granja**  
SAVANETA N° 4  
☎ 584-3365  
**Galinja y Carni A La Brasa**  
E Restaurant di e Famia Arubiano!

## Colegio Arubano "NO" ta den carnaval..Jammer!!

Diamars atardi e Comision di Carnaval di Colegio Arubano cu ta consiti di docente Alfredo Capelo y Anuesca Baly cu a tene un reunion cu rectorado di Colegio Arubano tocante kico Colegio Arubano lo haci den Carnaval 53. Loke a bin afo di esaki ta cu debi na falta di tempo Colegio Arubano lo NO participa den parada y lo NO tene su eleccion di Princesita, Reina Hubenil y Reina Grandi y menos pa pensa bai stadion cu Reina hubenil y grandi den e Carnaval aki.

Tur esaki ta debi cu inesperadamente un ATV-Dag a wordo poni riba Diabierna 26 Januari, e intencion di e Comision di Carnaval di Colegio Arubano tabata pa tene un eleccion riba e fin di siman di 27 of 28 Januari, pero debi cu CP-Week awo lo caba riba Dialuna 30 Januari danki n'e ATV-Dag inespera aki e plannan NO por sigui ya cu esaki ta laga practi-

camente nada di tempo p'e preparacion necesario.

Otro factor grandi p'e desicion cu Colegio Arubano NO lo participa den Carnaval 53 ta cu masha tiki docente a duna nan mes disponibel pa bin yuda controla e alumnonan den parada.

Manera nos tur sa Colegio Arubano no ta tolera alumnonan bebe alcohol den su grupo na paradanan y pa esaki tin mester di adulto pa tene esaki na control. Comision di Carnaval di Colegio Arubano no por descarta e posibilidad cu lo organiza algo p'e alumnonan p'aden di scol durante e temporada di Carnaval 53 manera un Jump-In. Colegio Arubano por wel di keda afo di Carnaval 53, pero Colarin sigur lo no keda'fo y ni riba nan website [www.colarinonline.com](http://www.colarinonline.com) lo tin potretnan di e



paradanan y eleccionnan.

Tambe lo graba video cu contenido carnavalesco pa pone online den e seccion di VideoCast riba e mesun website. Tambe den e siguiente edicion di Colarin cu lo sali e prome siman di Maart lo tin potret y entrevistanan cu e reinanan cu sali elegi y hopi mas, corda cu den Carnaval 53 cu Colarin bo no mester kibra cabez.

*Nan tey un biaha mas*

## Authority The Next Generation Band for di Hulanda..!



E grupo di hobenan Arubiano residencia na Hulanda cu aña pasa den carnaval tabata'ki tey un biaha mas y nan lo ta participando den Calypso y Roadmarch Contest...! E aña'ki nan tin 6 cantante den competencia y te asina leu cu nos a compronde A.T.N.G. ta number 13 p'e anochi nan di Pre-Calypso & Roadmarch Contest.

Esnan cu ta riba e lista di competencia ta Wesley De La Cruz Jimenez miho conoci como Mighty DC, Omar Robles de Medina miho conoci como Mighty Psycho, Ralphord Robles

de Medina miho conoci como Day-O-Master Roderich Lopez miho conoci como Influenz tambe tin Ru Koolman miho conoci como J&J, Larry Hodge miho conoci como Rasta Dady...nan tur tey pa duna nan miho presentacion riba e prome anochi di pre-final..

E siman aki mes nan ta yegando for di Hulanda pa dibiaha haci tur nan preparacion necesario. Nan lo ta ripitiendo e mesun ambiente, goso y dobel repertorio. Pa esnan interesa bop or yama e representante local di ATNG na 565-7425 pa mas informacion...

## Fiesta Carnavalesco na Club Primavera

Directiva di Fundaçao Social Cultural Portuguesa ta organiza diabierna'wo 19 Januari un tremendo fiesta di Carnaval na Club Portuguesa miho conoci como Club Primavera y cu ta inicia pa 9'or di anochi.

Mirando cu nos ta den e temporada di carnaval directiva di Club Primavera kier a trece e ambiente carnavalesco den e club pa un y tur

por goza. E fiesta lo ta anima pa Master Band hunto cu Big-Q cu semper ta percura pa un ambiente y carnavalesco.

Como special guest nan lo tin "Doctor Feel Good" cu lo bai canta e aña aki pa prome biaha den e Roadmarch Contest.

E lo estrena su tema e anochi aki hunto cu su "Polonaise Dansje" y riba e anochi aki Club Primavera lo bai corona su cuatro (4) reinanan esta Infantil, Hubenil, Grandi y Señora Carnaval.

P'e damanan lo tin un show special prepara y apeticion special e damanan lo tin e show di e sexy Madeira Boyz cu a train masha duro mes pa nan por duna un show cu sigur lo cai na agrado di e damanan presente.

Cu porcierto lo bira memorabel pa un y tur, sin lubida, e bar y cushina cu lo ta bon surti na prijs di famia. Esaki ta un invitacion di Club Primavera.





**TIPO DI CAMBIO OFICIAL**

UN CORTESIA DI



**Valido pa Januari 18 2007**

Placa Extranhero	Bank Papieren	Wisselen, Cheque Reis Cheque en Over Boekingen	Benta na publico
US Dollar	1.77	1.78	1.80
CAN Dollar	1.49	1.51	1.53
Engelse Pond Sterling	3.44	3.49	3.55
Zwitserse Frank per CHF. 100	142.02	142.74	143.54
Ned. Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	146.28	147.62	149.10
Euro per XEU. 100	227.84	229.92	232.23

**Provision di Devisa 1.3%.**

Segun articulo 12 di Afkondigingsblad di Aruba 1991 nr. GT 32. Banco Central di Aruba ta defini e tipo di cambio oficial pa e cambianan di placa extranhero.

**BANCO DI CARIBE**  
*Nos ta honra Bo confianza*

*Esey si no ta hasi*

## Hunta Directiva di Real Madrid a dicidi sanciona Fabio Capello

**H**unta Directiva di Real Madrid a dicidi sanciona e entrenador Fabio Capello pa su actitud desconsidera na dos fans den e wegá di Real Madrid contra di Real Zaragoza diadomingo ultimo den Santiago Bernabeu.

Den un comunicado oficial, e club a indica cu na propuesta di su Direccion Deportivo, a resolve den un reunion celebra den e atardi di dialuna, sanciona e entrenador di e Club Fabio Capello, pa su actitud desconsidera na dos fans den e transcurso di wegá di Real Madrid-Zaragoza.

E nota a añadi cu pa determina e alcance di e sancion, den e previsto di reglamento di regimen inteno pa caso similar, e Direccion Deportivo tabata tin na cuenta, no solamente e aplicacion publica duna pa e entrenador den e rueda di prensa posterior na e wegá, sino tambe su actitud na e Director Deportivo di Real Madrid.

Reconociendo y lamentando su error y asumiendo di antemano cualkier medida disciplinario cu por adopta e Club na su desafortuna gesto, el a conclui.

Na termina e wegá contra Zaragoza, e entrenador di Real Madrid a dirigi na e publico situa patras di e banki di e team y den dos ocasion.

# Colegio Conrado Coronel a clasifica pa final di futbol escolar sector Playa

**D**iamars atardi a continua e weganan di futbol escolar sector Playa riba tereno di Compleho Deportivo Frans Figaroa, organisa pa IDEFRE. Prome wega tabata entre Colegio Conrado Coronel y Rosario College y e wega aki a termina cu score di 5-0 na favor di Colegio Conrado Coronel.

E di dos wega tabata entre Frere Bonifacius y Rosa College.

E wega aki sigur tabata hopi emocionante caminda ambos scol a lucha pa bai cu e victoria. Casi na final di wega, e muchanan di Frere Bonifacius a haya un oportunidad cu nan no a desperdicia y a anota e unico gol di e wega pa asina gana e wega cu score di 1-0. E di tres wega tabata entre Colegio Conrado Coronel y Rosa College. Aki tambe mester bisa cu tabata un tremendo wega, den prome mitar Colegio Conrado Coronel tabata gana 3-1, pero Rosa College no a entrega y a empata e wega 3-3, Asina tambe e wega a caba cu score 3-3. E di cuater wega tabata entre Frere Bonifacius y Mon Plaisir College.

Despues cu ambos ekipo a lucha duro, nan mester a conforma nan mes cu un empate 2-2. Ultimo wega tabata entre Rosario College y Mon Plaisir College y aki e muchanan di Mon Plaisir College a bai cu e victoria cu score di 4-0. Standing final di poule Y a keda como lo siguiente:

Na prome lugar a keda Colegio Conrado Coronel cu 8 punto, na di dos lugar Frere Bonifacius cu 7 punto, na di tres lugar Mon Plaisir College cu 6 punto, na di cuater lugar Rosa College cu 5 punto y na di cinco lugar Rosario College cu 0 punto.

Esaki ta haci cu Colegio Conrado Coronel lo warda e prome lugar di grupo Z pa hunga e final di sector Playa.

Weganan ta continua e siman aki den Compleho Deportivo Frans Figaroa. Pueblo di Aruba y mayornan ta keda invita pa bin apoya nan scol preferi den weganan di futbol.



Ni un solo palabra

# Ramon Calderon a tene un reunion cu e team di Real Madrid



Team di Real Madrid a dicidi mantene silecion riba e tensa reunion cu a protagonisa na Valdebebas cu e presidente, Ramon Calderon, y e director general deportivo, Pedja Mijatovic, na unda a pidi splicacion na e maximo mandatario di e club. Durante un reunion di 1 ora y mei tur e hungadornan di Real Madrid a reuni cu Calderon y Mijatovic, cu Fabio Capello tambe presente, y na su conclusion a dicidi warda silecion pa evita filtracion na medionan di comunicacion, remitiendo e proximo diabierna, ora e capitan ofrece un comparecencia publico.

Segun por a saca afo, Ramon Calderon a papia riba loke el a bisa na e universidad madrileño, na unda cu a desvela e salario di Iker Casillas, a califica Jose Maria Gutierrez "Guti" di eterno promesa, y David Beckham el a yama un medio actor y a realisa un critica general di forma di ta di e futbolistanan. E capitan madridista, Raul Gonzalez, Jose Maria Gutierrez "Guti" y Roberto Carlos, a tuma e palabra den un tenso reunion y a ofrece e punto di bista di e team, indigna den e cuminsa di diamars ora a conoce e declaracion di e presidente.

Durante e atardi e club a maneha e posibilidad di informa atraves di un comunicado, ya cu na conclusion di e larga reunion tanto Calderon y Mijatovic a bandona Valdebebas via un porta patras pa evita contacto cu periodista.

**THE CINEMAS** **NEW RELEASES**

**STOMP THE YARD**

**FREEDOM WRITERS**  
their story their words

**PLAYING NOW**

**STOMP THE YARD**  
Drama/Musical (PG-13)  
Columbus Short & Meagon Good  
Daily: 4:50 - 7:15 - 9:40

**CHARLOTTE'S WEB**  
Comedy/Drama (G)  
Dakota Fanning & Julia Roberts  
Daily: 5:05 - 7:30

**PRIMEVAL**  
Horror/Thriller (R)  
Dominic Purcell & Orlando Jones  
Daily: 9:50

**NIGHT AT THE MUSEUM**  
Fantasy/Comedy (PG)  
Ben Stiller & Carla Gugino  
Daily: 4:50 - 7:00 - 9:20

**BLOOD DIAMOND**  
Action/Thriller (R)  
Jennifer Cornelly & Leonardo DiCaprio  
Daily: 4:10 - 6:50 - 9:30

**THE PURSUIT OF HAPPYNESS**  
Drama (PG-13)  
Will Smith & Thandie Newton  
Daily: 5:05 - 7:40 - 10:00

**FREEDOM WRITERS**  
Drama (PG-13)  
Hilary Swank & Imelda Staunton  
Daily: 4:45 - 7:10 - 9:45

**DRIVE IN**

**THE NATIVITY STORY**  
Drama (PG) (sp-subtitled)  
Keisha Hughes & Shohreh Aghdashloo  
Thu: 8:00  
Fri & Sat: 8:00 & 10:30  
Adm in General Awg 7.25  
Sun: 8:00  
Adm in Gen Awg 10.50 (ca)

**Labco**  **24 Hours Services!**  
**MEDICAL / HOME HEALTHCARE**  
 RENTAL/SALE of Medical & Home-Healthcare  
 \* Wheelchairs \* Oxygen Concentrators/Cylinders  
 \* Beds \* Difficulty Walking  
 \* Walkers \* Rent a portable electro scooter  
 \* Bathchair (Fits in all cars, trucks, 41lbs.)  
 \* Commodes  
 \* Crutches / Canes

Tel: 582-6651 Fergusonstraat #52, Dakota

# Horoscopo

**Aries:** Tempo ta pasa y bo no ta move mes liher cu lo bo kier. Bo mester duna otro paso pa permiti otronan yudabo.

**Tauro:** Tin un colega dispuesto pa bisa cosnan bon dibo na un ora receptivo. Un oportunidad nobo ta birando e skina.

**Geminis:** No tin espacio pabo den un discusion di grupo cu no ta hiba na nada. Sali di e multitud y bai riba bo propio iniciativa.

**Cancer:** Bo dobbel standardnan ta inaceptabel pa hendenan pa bo mes. Tuma un opcion y wanta duro na dje.

**Leo:** Awe lo bo siña di experiencianan pasa y lo bo evita repiti e mesun foutnan. Ora bo haci esey, lo bo cuminsa move mas liher.

**Virgo:** Asuntunan practico na cas ta tuma tempo, pero cu pasenshi lo bo por logra un resultado satisfactorio.

**Libra:** Algun cambio economico recien ta cuminsa duna recompensanan y ta refelha den bo nivel di gastonan. Tentacion pa cumpira ta manifesta.

**Scorpio:** No confia den tur cos. Un relacion laboral no ta loke e ta parse y ta bon momento pa samina e tema hopi bon.

**Sagitario:** Lo bo mester supera cualkier tendencia di no ta atento, pa atende e problemanan di trabao cu ta preocupabo. No pone atencion na bo fantasianan, bo mester hiba bo actonan desde un perspectiva racional y prudente pa mehora bo situacion economico.

**Capricornio:** Bo carera ta yega na topnan halto. Un hende mas importante ta elogiabo. Bo por logra un contribucion substancial pa un bon causa.

**Acuario:** Soña lanta no lo hibabo ningun caminda awe, pero e por ta un rato agradabel na medida cu bo no ta specialmente ambicioso.

**Piscis:** Bo ta tumando demasiado den serio e relacionnan laboral. Esey no ta fin di mundo, dus relaha bo mes.

**D-Yvonne** Beauty Salon & Hair Center  
 Fergusonstraat 52  
 Tel: 583-7156

**Peluca aki Hairpiece aya!!**  
 Pero e unico lugar cu experiencia, calidad, servicio y bon prijs ta **D-Yvonne** Beauty Salon

*Luci semper bunita haciendo un cambio total ariba bo apariencia. E mihor den: Permanent, Make-Up, Hairweaving, Braiding, Hairstyling, Acrylic, Gel Nails, Ponytail.*  
 Pa tur bo tratamientos de Belleza D'Yvonne

**B&P/ INTERFACE ARUBA N.V**  
 TRAINING AND CONSULTANCY

We are pleased to announce our training schedule for the months of **January & February 2007**. We can also provide these trainings as, customized In-Company training.

- ▶ **Notuleren** (Starting January 22)
- ▶ **Professional Telephone Skills** (Starting February 1)
- ▶ **Supervisory Techniques** (Starting January 29)
- ▶ **Practical Management** (Starting February 1)

For additional information and registration please contact us at  
 Telephone 594-5533 / 587-7850 or Fax number 587-6011.  
 Email: [bpinterfaceaua@setarnet.aw](mailto:bpinterfaceaua@setarnet.aw) Web Site: [www.bpinterface.com](http://www.bpinterface.com)

**UPGRADING PEOPLE IS OUR BUSINESS !**

**TA BENDE**  
**PICK-UP NISSAN**  
**double cabine**  
**aña 2003**

Den bon condicion  
 Afl. 15.000  
 Tel 7409708

## “Copa Rotativo Betico Croes” na Centro di Bario Noord Ballpark

Diahuebs 25 y diasabra 27 Januari 2007, Centro di Bario Noord ta organisa tremendo weganan di Baseball Little League na Centro di Bario Noord Ballpark en coneccion cu celebracion di Dia di Betico.

E aña aki ta di 14 biaha consecutivo cu e torneo “Copa Rotativo Betico Croes” ta tuma lugar, na cual torneo 8 equipo lo participa.

Aña pasa e equipo di Indians a resulta campeon y e equipo di Mets sub-campeon.

Diahuebs 25 Januari e 8 equiponan lo hunga nan prome wega y e ganadornan lo pasa pa e siguiente buelta riba Diasabra 27 Januari y e weganan final lo tuma luga tambe diasabra 27 Januari 2007.

- E campeonnan te cu aña 2006 ta como lo siguiente:
1. 1994 C.B.N. Athletics
  2. 1995 C.B.N. Athletics
  3. 1996 Piedra Plat Rangers
  4. 1997 Indians
  5. 1998 Indians
  6. 1999 Hernac
  7. 2000 Indians Ganador di e prome “Copa Rotativo Betico Croes”
  8. 2001 Indians
  9. 2002 Rockies
  10. 2003 Indians
  11. 2004 Hernac
  12. 2005 Indians Ganador di e segundo “Copa Rotativo Betico Croes”
  13. 2006 Indians
  14. 2007 ???????. Ban celebra “Dia di Betico” na Centro di Bario Noord Ballpark.
- Bo presencia ta un estimulo pa nos hoben pelotonan.

**Resultado di Loteria** 

**CATOCHI PRO DEPORTE**  
**0444 - 6005 - 1701**

<b>DIARIO</b> 2005 - 3403 - 7703	<b>Zodiac</b> 4451 Signo: Sagitario
<b>SUPER 4</b> 5904	<b>BIG 4</b> 5175

**LOTTO PA DEPORTE** Letter: H **Jackpot Pa E Proximo Sorteo**  
**22 - 25 - 34 - 09 - 03 - J: 32**



## Rafael Nadal a logra un score positivo den e Australian Open

**E** conclusion cu a saca Rafael Nadal den su regreso na Australian Open tabata totalmente positivo y e spaño a califica su wega contra e mericano Robert Kendrick di positivo y serio, apesar di e precaucion cu a tuma na e peligroso rival cu a califica di kamikaze. “Tabata hiba dos dia sin entrena demasiado bon y tabata cu bastante desconfiansa, pero un biaha den e pista a haya hopi mihor, hopi sigur cu e derecho y tur esey tabata hasi sinti hopi contento cu e wega, unda cu tabata hopi serio den tur momento”, e spaño a bisa. “Normalmente, tur hende tin problema e prome dia”, Nadal a reconoce. “Pero cada wega ta un historia diferente”. E hungador di Manacor a admitic u ora tabata sa cu lo hunga contra Kendrick lo disputa bou di dak pa temperatura halto no a sinti demasiado contento. “Mi a pensa, peor, paso tabata mas liher y mas facil pa cual ta saca y subi, ademas no tin biento y por a perhudica pero mi no a preocupa hopi. Mi ta kere cu den cualkier circunstancia e wega lo no a cambia demasiado”, el a puntualisa.



**Servicio pa Comunidad**

**Telefon di Emergencia**

Number di emergencia 911  
 Polis 100  
 Brandweer 582-1108  
 Ambulance O'stad 582-1234  
 Ambulance S.N. 584-5050  
 Hospital 587-4300  
 Centro Medico 584- 8833

**Botica na Warda**

Pabou di Brug: Botica Oduber  
 Pariba di Brug: Botica

**Dokter na Warda**

Pabou di Brug: Dr. Beke  
 Pariba di Brug: Dr.

**Otro Servicionan**

Setar Info 118  
 Digicel Info 145  
 Setar 582-5151  
 Elmar 582-3700  
 WEB 525-4600  
 Serlimar 584-6456  
 Rode Kruis Aruba 582-2219  
 FADA 583-2999  
 AA/NA helpline 583-8989  
 Fund. Abuso Sexual 582-4433  
 Fundacion Guia'mi 587-1677  
 Fund. Muher den Dificultad 583-5400  
 Fund. Tel. Pa Hubentud 131 588-6138  
 Accion Rescate 584-2718  
 Centro Kibrahacha 588-3131

**Polis**

Polis Tipline 11141  
 Oranjestad. 582-4000  
 San Nicolas. 584-5000  
 Savaneta 584-7000  
 Santa Cruz 585-4710  
 Noord 587-0009  
 Strandpolitie 586-3003  
 Balashi 585-2500  
 Aeropuerto 582-4800  
 Aruba Transfer Tour & Taxi 583-2856 582-2116  
 Best Taxi Services 588-3232  
 Coop. Ver. Tas 587-5900  
 ATS 583-5361  
 Arugas 585-1198  
 S.O.S. Teleayudo 583-1190

**EDITA PA:** The Media Group,  
 Margrietstraat 3, Oranjestad, Aruba, tel. (297) 583-1400, fax. (297) 5831444,  
**E-mail:** mediagroup@setar.net.aw.  
**CUENTA DI BANCO:** C.M.B. #229-82600. **BENTA LOS** Afl 1.25.  
**ABONEMENT** Afl.30,00 pa luna.  
**ORA DI OFICINA:** Dialuna pa Diabierna 8 a.m. - 5 p.m.  
**IMPRENTA:** Imprenta Nacional Arubano.  
**DIRECTOR:** Victor "Toko" Winklaar & Victor R Winklaar.  
**REDACCION:** noticia@awemainta.com.  
**BENTA DI AVISO:** sales@awemainta.com

**BO CONECCION CU MERCA**  
**SHOP ONLINE: www.arusamailbox.com**

Bo a mira algo riba television, website of catalog y bo no sa con pa cumpre or order e producto? Nos ta bo solucion

**Pa mas informacion yama**  
**583-2459 of 583-0631**

**Acropolis Real Estate, Acropolis Plaza**

Tin lokaaln pa huur na prome y segundo piso.

Pa mas informacion jama nos na 587-3083 of 593-0581

**Saint 'A' Contractors N.V.**  
**Tanki Leendert #241, Telefoon: 587-3083**

**Tin mester di**  
 Helper, Carpinte, Metselaar, Schoonmaakster, Schilder  
 Por pasa jena application personlamente na nos oficina



## Giants Baseball Organisation dunando premio na streaman di baseball

**D**urante un celebracion na Renaissance Convention Center combina cu comemento y premionan individual Giants Baseball Organisation a sa di duna e meritonan na nan miembrecia y fanaticonan cu durante henter e aña deportivo a sa di carga e team nan di Caprisun, Bright Bakery y Benjamin Security na grandi. Tur presente por a disfruta di e anochi ameno aki na unda e muchanan di Gaita los sobrinicos a deleita nan cu nan tremendo musica. E tawata un plaser pa wak e cara di nos muchanan recibiendo nan debido premio durante e anochi. Pa Caprisun e team campeon invicto pa dos temporada sigi a destaca, Jerrick Francees ganando tres premio cu ta e MVP di 2006, e premio di “e hungador mas completo”, tambe esun cu a connecta mas doblate cu a suma na total di 26 durante e aña, E premio di Champion Batter a bai pa Guyon Cannister cu a sa di bati su hitnan riba un base constant, e “rookie of the year a bai pa Zyqu Guerrero, e pitcher di Caprisun, disciplina ta e fundeshi pa un bon deportista, e premio di mas disciplina a bai pa Dimitri Belleza y Cendrick Werleman, tambe tin peloteronan cu ta prometiendo cu nan lo sigi desaroya bon pa futuro, e premio di hungador prometedo a bai pa Miguel Thiel, Mitchel Martinez y Mayron Cathalina. Pa Bright Bakery cu e team cu a sali Sub Campeon dos biaha durante e aña a destaca Giandruck Werleman cu a bai cu e premio di MVP 2006, y e hungador cu a mas homerun, doblate y hit, e MV Batter a bai pa Andy Kelly, e lead off man cu semper a duna resultado, Orvin Koolman a bai cu dos premio cu ta “e hungador mas completo” y “mas Disciplina”,

e rookie of the year a bai pa Ithiel Arrindell, premio pa jugada nan espectacular tambe a worde duna na tanto Aljee Feliciano y Endrie Brito kendenan a destaca cu jugada durante e aña, e hugador nan prometedo a bai pa Jason Kootes y Artoir Herrera Jr. Pa e equipo di Benjamin Security cu a Sali campeon di LIBA y sub campeon di ABBA a destaca Karel Arends Jr. Ganado tres premio hunto cu Ritchie Thiel, den nan dos e MVP 2006 y Champion Batter, a keda, indiscutibel e dos peloteronan aki a sa di carga nan team na tur momento, tanto den seleccionnan di Aruba tambe, mester remarka cu Karel Arends Jr. ta hungando na Korsow cu Santa Maria Pirates den e proximo campeonato organisa pa Andrew Jones, y tambe a bai cu e premio dim as homerun, Ritchie Thiel a bai tambe cu e premio di mihor pitcher, e otro pelotero cu a duna un empuge enorme cu su pitcheo tawata Joshua Wever kende a bai tambe cu e premio di mihor pitcher, “rookie of the year” a bai pa e cather Lynell Jacobs, e permio nan di hungador prometedo a bai pa Jean Marc Fingal, Ashwin Feliciano y Chris Croes. Directiva di Giants kier a gradici nan sponsor nan pa nan sosten den 2006, y ta desea nan exito cu nan negoshi den 2007 cu e speransa di por conta cu nan pa 2007, tambe nan kier a gradici e managersnan cu ta Louis Boekhoudt di Caprisun, Ramsy Halabi di Bright Bakery y Jose Castilla di Benjamin

Security, sin laga afor e señoranan di e managernan y coach nan pa e comprecion pa tur e momentonan di training y wega unda e personanan aki ta bezig ta educando yunan di otro hende den e caminda bon, na tur e fantaticonan, mayornan, opa y oma nan, famia completo cu a contribui enorme cu e organizacion den su totalidad, commission di mayornan, Vivian Guerreo, Gwenny Ras, Judella Francees, Felicia Arrindell, Grace German, Gloria Koolman, Lily Thode, Marilyn Jacobs, boso tur tawata e campeonnan di 2006, sin boso aporte nos no por a logra conquista e titulongan campeon y sub campeon na Aruba cu ta tres campeon y tres sub campeon. Pa e aña nobo nos ta desea tur nos coleganan deportista pa sigi duna nan maximo esfuerzo cu na final esun mihor lo sali victorioso, educando nos muchanan nos ta invertiendo den un pais stabil pa futuro.





Ta oro puro

# David Beckham ta trece un 40 miyon di euro pa Real Madrid

E contribucion economico deriva di e impacto di e ingles David Beckham ta presenta entre un 35 pa 45 miyon di euro anual pa Real Madrid, segun un investigacion. E estudio elabora pa e profesor Pedro Garcia del Bario, di e Universidad Internacional di Catalunya (UIC), y pa e frances Pujol, di e Universidad Navarra, a refleha cu Real Madrid ta posee, t'e ora e contract di Beckham expire di un 50% di e derecho di imagen di e hungador, pero autor di e estudio ta sostiene cu e contribucion economico di David Beckham ta hopi superior na e ingreso directo genera pa e derecho di imagen comparti.

Segun e estudio, den e gran clubnan

di futbol di e mundo e dinamico ingreso economico tabata evolucionando gradualmente t'e na e industria di training, na unda cu e fuente principal di ingreso ta corresponde na valor di calidad deportivo, espectáculo, ilusion y cierto glamour.

“Esaki ta permiti posiciona e club di futbol como e marca mas atractivo generador di identificacion y adhesion emocional, cu a caba traduciendo den gasto di publico”, el a añadi. E informe a sigura cu Beckham ta di cuatro estrella futbolistico mas mediatico di mundo, tras di Ronaldinho, Ronaldo y Rooney.

Y cu den Real Madrid, e ranking ta lidera Ronaldo, sigui pa Beckham, Raul, Cannavaro y Van Nistelrooy.



## ABONA AWOR Y NO PAGA B.B.O.

**AWEMainta kier duna su abonadonan y tambe e abonadonan nobo un posibilidad unico**

Tumando na cuenta cu e prijs di corant los y pa abonado lo bai subi 1 di Februari 2007.

AWEMainta ta ofrece e posibilidad na tur abonado cu por tin cuenta atrasa y kier evita di mester paga BBO riba e cuenta aki, por haci nan pago di dicho cuenta prome cu fin di Januari 2007, sin BBO

Tambe e abonado nobo, si e paga un año delanta di su subscripcion, AWEMainta ta acepta p'e paga e suma di Afl. 30,=pa luna, sin tin cu paga BBO.

Probeta di e oferta unico aki. Yama oficina na tel. 583-1400 of fax nos, na nr. 583-1444, y nos lo manda un hende cobra inmediatamente.

Tambe tin e posibilidad pa paga e oferta aki riba nos cuenta di banco na Caribbean Mercantile Bank nr. 22982600

*Cu e mesun condicion*

# Adriano Galliani ta spera cumpra Ronaldo cu e mesun salario



**A**driano Galliani, administrador delegado di Milan y cu a confesa e interes di su club pa cumpra e delantero brasileño Ronaldo Nazario da Lima, actualmente den Real Madrid, a afirma cu su club no a negocia cu e spaño riba un cifra di traspaso.

“Nos no ta trata cu Real Madrid, si e hungador logra libera ta bon, di lo contrario, lo sigui den Madrid”, Galliani a afirma.

E club milanés, pues, ta muestra di laga cla cu no ta dispuesto pa drenta den negociacion algun cu Real Madrid pa cumpra Ronaldo y pasa e presion na e hungador. Galliani ora prome di drenta den reunion di e Liga Calcio a reconoce e interes di Milan pa Ronaldo, a confirma cu a yega na un acuerdo cu e hungador y asina mes a laga cla cu e cumpra si yegada ta costa cero, cu e carta di libertad di Real

Madrid, pues no tabata pensa pa paga cantidad algun pa su traspaso.

“Tur e gran famia di Milan, desde Silvio Berlusconi presidente y accionista mayoritario di e club hunto cu Milanello a duna ok pa e yegada di Ronaldo”, el a comenta. “Ta existi e yegada di Ronaldo na Milan, no por nenga. Awo nos ta sperando pa wak loke Real Madrid ta bisa”, Galliani a comenta.

*Un gran ayo*

## All Star Game 2008 lo tin chens di wordo hunga na Yankee Stadium

**Y**ankee Stadium lo ta e sede di All Star Games di 2008, na unda ta spera ta su ultimo temporada, segun a informa fuente den grandes ligas. E new Yankee Stadium ta poni pa habri den 2009, y e old Yankee Stadium lo sera, despues di 86 aña di a habri pa prome biaha den 1923, y 33 aña despues di a wordo remodela den e mesun lugar na 1976. All Star Games 2008 ta pone pa un stadion Liga Americana, y e oficialnan a scoge Yankee Stadium, ya cu ta kere cu ta e mihor forma pa bisa ayo na e historico parke. E clasico a wordo celebra den Yankee Stadium den tres ocasion anterior, ultimo biaha na 1977. Ta spera cu e anuncio oficial di e seleccion di e stadion di Yankees wordo duna den e proximo dianan, porta e siman cu ta bin, ora e oficina central di Grandes Ligas hasi e coordinacion cu e oficina di Alcalde di New York. E All Star Game 2007 lo tuma lugar na San Francisco, y dialuna e comisionado Bud Selig lo anuncia formalmente cu e version di 2009 lo tuma lugar na St. Louis.





## Cuerpo di Aduana cu celebracion deportivo, recreativo y social pa celebra 10 año di celebracion di nan dia

**G**regory Jacobs, presidente di Club di douane y persona cu ta encabesa e comision di celebracion di dia internacional di douane a comenta cu den cuadro di celebracion di e dia aki proximo 26 di januari, directiva di club DOSVA, hunto cu hefe suplemente di douane, Antonio Peña a invita tur douane ambtenaar y trahadornan civil den cuerpo di douane di pais Aruba y nan famia, pa participa activamente den diferente actividadnan deportivo, recreativo y social.

Programa di e siman di celebracion ta como lo siguiente: diasabra 20 di januari y diadomingo 21 di januari lo bai tin e knock-out soft ball na Veld di Caribe. Diasabra e orario lo ta di 2'or di atardi pa 11'or di anochi caminda lo bai tin 6 wega y musica lo ta na encargo di miniteca. Diadomingo e orario di wega lo ta di 10'or

di mainta pa 5'or di atardi caminda lo tin 5 wega y musica lo ta na encargo di miniteca tambe. Despues di 5'or di atardi pa 9'or di anochi lo tin Claudius Phillips y OREO pa delitatur esnan presente.

Diamars 23 di januaria lo tin e famoso hersen-gymnastiek na Club DOSVA caminda tur douane ambtenaar, trahadornan civil y nan famia ta wordo invita pa forma grupo di 5 persona y bai kibra cabes cu preguntanan haci door di sr. Eli Pers. Inscripcion lo ta gratis y mester entrega nomber di e grupo no mas tarda cu diabierna 19 di januari na Maruschca Leest, cel 565-8226. Lo bai tin medaya pa ganadornan di prome y di dos lugar. Ora di e evento ta 7:30 anochi.

Diaranson 24 di januari lo tin torneo di domino na Club DOSVA, tambe cuminsando pa 7:30 anochi. Aki tambe e famia grandi di douane

ta wordo invita pa participa y/of presencia e duelo di domino. Lo tin trofeo pa e ganadornan.

Adicionalmente, e dia aki lotin un encuentro amistoso di biljard entre hungadornan di cuerpo di inmigracion y di cuerpo di aduana.

Diabierna 26 di januari pa 9'or di mainta lo tin un santo sacrificio di misa na Iglesia La Birgen di Fatima na Dakota. Esaki como conmemoracion di e celebracion di 10 año di celebracion di "Dia Internacional di Aduana" na Aruba y tambe pa pidi Dios Tata Todopoderoso bendicion y iluminacion pa douane ambtenaarnan, nan famianan, y trahadornan civil y nan famia di Inspectie Invoerrechten en Accijnzen.

Peticion special ta bai pa esnan cu kier participa cu Coro di Aduana pa haci esaki y nos mas laat cu 18 di januari. Por tuma contacto cu Raquel

Tromp na 593-1142.

Despues di e misa Douane Drumband lo marcha for di misa La Birgen di Fatima na Dakota pa Club Dosva caminda e parti oficial lo sigui cu palabra di dirigentenan di cuerpo di aduana.

E mainta aki lo bai tin snacks y bebidanan refrescante pa presentenan cual ta bin di parti di Inspectie der Invoerrechten en Accijnzen conhuntamente cu Club Dosva.

E mesun diabierna aki, pero for di 7:30 anochi, topando na Club Dosva lo bai tin un bus tour. Un total di 3 bus lo sali for di club di douane y lo core riba diferente rutan di Aruba. Participacion den e bus tour ta habri pa tur hende trahando den cuerpo di aduana, pero ta pidi pa por favor duna nomber no mas laat cu 23 di januari serca Deyanira Tromp-Ras, cel: 565-0035.

### Servicio di Impuesto ta participa:

## Awe no tin servicio di caha

*Debi na un fayto tecnico den e sistema automatisa*

**S**ervicio di Impuesto ta participa cu awe, diahuebs 18 di januari, e servicio di e seccion di caha no por continua debi na un fayto tecnico den e sistema automatisa.

Ta asina cu ayera Servicio di Impuesto a hay'e confronta cu un fayto tecnico den e sistema automatisa cual a causa cu e sistema a cai afo. E situacion aki a haci cu e servicio di e seccion di caha tanto na oficina principal como e oficinanan ausiliar den distrito no por a continua. A ser spera cu durante dia por a solucion e problema, pero lastimamente esaki no

tabata posibel, locual ta haci cu awe tampoco lo tin servicio di caha. Pues awe henter dia no ta posibel pa haci pago. Tur caha – tanto na oficina principal como na e oficinanan ausiliar den distrito – ta sera. Mientrastanto tur otro servicio na publico ta sigui mas tanto posibel sin uso di e sistema automatisa. Por ehempel: e loket di informacion y esun di grondbelasting ta keda habri pa publico.

Servicio di Impuesto ta pidi publico pa tene cuenta cu esaki pa evita inconveniencia.

Masha danki pa e comprension.

## Magali Meza Guzman awo na timon di Eco

**D**urante Caribbean Marketplace 2007, Eco Destination Management Services of Aruba NV tabatin e placer anuncia e regreso di Magali Meza-Guzman na e compania. Magali lo yena e capacidad di Gerente General, dunando liderasgo y guia na e equipo veterano y hopi experiencia di ECO Destination Management.

Magali ta trece gran experticio, conocimiento y experiencia den e mercado di Reunion, Incentivo, Convencion y Evento na ECO y su partnernan/clientenan di planeamento di evento. Magali a cuminsa den e mundo di DMC cu Eco Destination Management Services na 1992 y a traha cu e compania pa 7 aña, despues el a sigui dilanti cu su carera den varios otro avenida. Net prome cu el a regresa pa ECO Destination Management Services, Magali a traha como Gerente di Ganashi Corporativo, na un otro DMC local. El a laga su posicion na favor di encabeza un posicion dificil pero alaves hopi familiar. E lo ta poniendo su experiencia amplio di operacion, benta y manejo den su trabou pa Aruba su tan popular y semper ocupa ECO Destination Management Services.

“Nos ta sinti privilegia cu el a scohe pa regresa pa nos equipo,” segun propietario Wichita Villacres, kende ta Presidente y CEO di e compania. “Y por pafor sinti bo liber di tuma contacto cune na [magali@ecodmsaruba.com](mailto:magali@ecodmsaruba.com),” el a agrega.



## Despedida placentero pa Yvette Bult



**D**espues di a yuda su dicipulonan pone curpa den forma y condicion, Yvette Bult awor ta rumbo pa Hulanda pa yuda pone un gym nobo riba pia na Meppel, Hulanda. Un grupo di amigo y coleganan di spinning a yuda despedi di dje yen di bon deseo y recuerdonan di un temporada extraordinario na Aruba, culmina den un atardi yen di diverticion den un crusero riba Jolly Pirates.

Como un miembro di e team talentoso di instructornan di Spinning di Healthy Living Gym na Piedra Plat, Yvette tabata un forsa motivacional, tanto liderando un curso di spinning exitante, como tambe den su envolvimiento den comunidad. Yvette tabata un motor di influencia mayor tras di Aruba su prome

Spinning Marathon cual tabata extremadamente exitoso den yuda recauda mas di 30 mil florin pa Casa Cuna na november ultimo.

Durante e aventura recién aki, goso y alegría riba lama grandi, asisti dor di e tripulacion amistosos di Jolly Pirates, a yuda pone sonrisa y harimento entre tur e Spinnernan den e crusero. E biahe riba Jolly Pirates su precioso velero di palo tabata tempo bon pasa, navegando, snorkeling, gozando di bulamento for di cabuya y brindando pa salud di un bon amigo y exelente instructor di spinning kende su falta lo ser sinti. Segun e ta biahando e fin di siman aki pa enfrenta retonan nobo na Hulanda, su estudiante y amistadnan, ta desea su persona tur cos bon y hopi éxito den futuro.

### Trabaonan di renobacion y construccion a cuminsa

## Na caretera principal na Santa Cruz

**M**inister drs. Marisol Lopez-Tromp ta informa cu dialuna 15 di januari 2007, DOW a cuminsa cu trabaonan di reconstruccion di e caretera principal entre cede di MEP te na e cruzada panort di 88 Food Store.

Minister drs. Marisol Lopez-Tromp ta pidi tur automobilista pa tene pasenshi mientras e trabaonan ta continua. Pues, esaki ta un caretera hopi principal riba nos red di caretera y una ves e trabaonan termina, ademas di e pueblo di Santa Cruz, henter pueblo di Aruba lo beneficia di e resultadonan. Segun calculonan di DOW e trabao di reconstruccion lo tarda 15 dia pa worde termina. Después, den un siguiente fase, lo sigui cu reconstruccion

di e resto di e caretera, pues di Kibaima 88 te na e luz di trafico na Drive Inn, pero esaki lo keda anuncia despues. Minister drs. Marisol Lopez-Tromp ta muestra cu e fondo di construccion y mantencion di caretera (WIF) a muestra di ta indispensable den fortificacion, ampliacion, modernizacion y hisa atraktividad di nos infraestructura. Infraestructura ta e weso di lomba di cualquier economia y por medio di un bon infraestructura Gabinete Oduber IV ta sigui traha na creacion di un economia fuerte pa Aruba. Por ultimo Minister drs. Marisol Lopez-Tromp ta pidi un y tur comprension pa cualquier inconveniencia cu e trabao di reconstruccion aki por ocasiona.



# Novena Beato Bronislaw Markeiwicz

**P**arokia La Birgen di Fatima, di Dakota ta desea di informa cu un novena lo worde teni na Beato Bronislaw Markiewicz cuminsando diadomingo 20 di januari pa 5:15 p.m. Durante siman e novena lo ta 6:15 p.m. y e lo sigui te dia 29 di januari. E Fiesta di Beato Bronislaw lo worde celebra dia 30 di januari cu un Celebracion Eucaristico pa 7'or di anochi na Misa La Birgen di Fatima Dakota.

Intercesion di Beato Bronislaw por worde pidi pa hobennan, muchanan den problema, pa esnan den drogadiccion y alcohol, no ta exclui tambe pa pidi su intercesion den enfermedad pa haña forsa y salu. Laga nos bini hunto pa resa specialmente na Beato Bronislaw pa pidi pa Aruba su hubentud y demas necesidadnan.

Bronislaw Markiewicz a nace dia 13 di juli 1842 na Pruchnik, Polonia. E tabata un di e diesun yiunan di Juan Markiewicz, kende tabata alcalde di e ciudad, y Marianna Gryziecka. Na su cas el a haña un bon formacion religioso. Apesar di esey, poco tempo despues di a drenta scol secundario na Przemysl, su fe a kibra, causá pa un ambiente anti-religioso di scol. Durante e crisis aki di fe el a grita, segun su propio notanan di diario: "Dios! Si Bo ta existi, laga mi conoce Bo!" Pronto rayonan di Dios su gracia a resplandese den



su Alma y el a bolbe recupera su pas interior y su alegria hubenil. Na año 1863, después cu e'la caba scol secundario, e la dicide di bira sacer-

dote y a drenta seminario. Despues di a conclui e formacion, el a keda ordena sacerdote dia 15 di september 1867. Como un sacerdote hoben e la sinti di ta yama pa traha cu hubentud, p'esey seis año despues el a drenta universidad pa studia pedagogia, filosofia y historia, pa ta miho prepara, pa guia hubentud. Poco despues, sintiendo un yamada pa un bida di convento, el'a viaha pa Italia. Aya, el a drenta Congrega-

cion di Don Bosco (Salesianonan) y dia 25 di mart 1887 e'la haci su consagracion religioso den presensia di San Juan Bosco. E clima di Turin no a bai bon cu salu di Bronislaw. El a bira malo gravemente y tabata na peliger di morto. Milagrosamente el a recupera y e ora ey su superiornan a dicide di mande Polonia bek. Na año 1892, el a bolbe su pais y a bira pastor di parokia Miejsce Piastowe. Aki, Pader Bronislaw Markiewicz, siguiendo spirito di Don Bosco, a entrega su mes na formacion di hubentud, werfano, y pover. Pa nan el a habri na Miejsce Piastowe un instituto educativo, incluyendo scolnan basico, secundario i profesional, pa duna su alumnonan pover un educacion profesional i completo, hunto cu un formashon serio di bida spiritual. Pa e obra aki por continua y pa sigura futuro di cientos di werfano y muchanan pover e'la funda na año 1897 dos Congregacion religioso, basa riba spiritualidad di San Juan Bosco, pero na mes tempu adopta pa su mes carisma specifico y pa e realidad di su pais, esta Polonia. El a guia e Congregacionnan, cu por lo pronto a funciona como sociedad "Templanza y labor" (moderacion i trabao), loque tabata e lema di su bida. Oficialmente, e sociedad aki a cambia den Congregacion ya despues

di su morto, na año 1921 – padernan, y 1928 – zusteran. E nomber di Congregacion ta: Congregacion San Miguel Arcangel.

Durante su bida, Beato Bronislaw a habri un futuro sigur, pa cientos di werfano. Completamente entrega na muchanan pover y na hubentud, gastando te ultimo gota di su forsa na un manera heroico, el a bira malu y a muri dia 29 di januari 1912. Ya na bida caba, hende cu a conoce tabata considere santo y tabata admira su amor pa Dios y su amor pa muchanan werfano y pover. Su deseo, cu a keda scirbi den su Dario tabata: "Mi ke ricibi miyones di muchanan werfano di tur pais di mundu, pa duna nan por nada cuminda y edukashon." Despues di su morto, constantemente tabatin hende ta resa na su graf y pidi su intercesion y cada ken tabata haya su popio milager. Te ora un milager di sanacion a keda confirma, papa Juan Pablo II a decreta cu Pader Bronislaw Markiewicz lo keda deklara Beato dia 24 di april, 2005. Su fiesta a keda fiha pa dia 30 di januari.

Ida Croes, Coordinadora di Relaciones Publico.

**SMS HOTLINE**

**Si bo mensahe of tip conduci na un articulo exclusivo, nos lo regalabo un celular**

**Digicel**  
Spera Mas. Hanja Mas.

**AWEMainta**

## Invitacion Special

**I**glesia di Hesus Cristo di Santonan di Delaster Dianan tin e placer di invita e gran famia arubiano pa un "Cas habri". Esaki ta un evento unda bo por siña di Dios su plan cu e tin pa tur su yiunan, siña tocante e proposito di bida, e matrimonio eterno y famia, tambe bo por haya sa tocante con e iglesia ta organisa y cua ta su proposito.

Lo tin un pelicula tocante e historia di e Iglesia na Aruba y e celebracion di su 20 año.

E "Cas Habri" aki lo tuma lugar na misa, situa na Seroe Blanco 301 A, dia 20 di januari 2007. Open House: 5.30 pa 7.15pm – Acto Cultural: 7.30pm

Nos ta sperabo y bo famia sin falta.

**AD PATRES**  
funeral home

van Rensselaerstraat 2  
San Nicolas - Aruba  
E-mail: adpatres@setarnet.aw

Tel: (294) 584-2299  
584-8413  
Fax: (297) 584-2266

“Señor ta mi wardador  
Mi'n tin falta di nada  
Den cunucu di yerba berde  
E ta ponemi sosega”

Cu inmenso tristeza na nos curason, nos ta participa fayecimento di:

**Ivan Wilson Gibson**  
\*15 Februari 1941  
+17 Januari 2007



Fecha y adres di entierro lo wordo anuncio despues.

**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

*Señor ta mi wardador, mi n tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe haña forsa.*  
Ps. 23:1,2,3

Cu inmenso tristeza na nos curazon, nos ta participa fayecimento di:

**Anthonio Ridderstaat**  
mihor conoci como: **Toon**  
13 april 1939 - 17 januari 2007



Na number di su:

Rumannan: Christiaan “Chan” Ridderstaat  
Prudencia “Deng” Kock

sobrino y sobrinanan:  
Ludwina y Robert Yarzagaray-Leest y famia  
Hubert Leest y yiunan  
Eric y Inchie Leest y famia  
Michael Leest y yiunan na Hulanda  
Sharline Leest y yiunan na Hulanda  
Lilian y Glen Leest y yiunan na Hulanda  
Filomena y Nicolaas Maduro y famia  
Lorenzo y Mariela Ridderstaat y famia  
Johanes y Melvina Ridderstaat y yiunan  
Sonia Ridderstaat y yiunan  
Lorencia y Carlos Ras y yiunan  
Max y Liesje y yiunan  
Jovannie y Marline y yiunan  
Gwendeline y yiunan

sobresobrino y sobresobrinanan

cuña: Theresita Ridderstaat Kelly

primo y primanan na Aruba y Curaçao, comer y compeman, ihanan, madrina y padrinan

famia: Ridderstaat, Giel, Leest, Kock, Kelly, Yarzagaray, Ras, Zievinger, Maduro, Banfield, Arcaya, Arends, Quandt, Wernet, Antonia, Grant, Correa, Tromp, Gomez, Farro, Hart, Eckmeyer, Croes, Figaroa, Lacle, Cornes, Orman, Vivas, van der Biest y demas famia ta invita tur amigo, bisña, conoci, ayudante di Wit Gele Kruis, ex coleganan di trabou di Bouwmaatschappij y Thiel Construction pa asisti na e acto di entierro cual ta tuma lugar **diabierna 19 di Januari 2007** pa 4'or di atardi saliendo for di Misa Santa Anna pa santana catolico na Noord. E resto mortal lo ta reposa for di 2'or di atardi den Misa Santa Anna na Noord.

Adres pa condolencia: **Pos Abao 16**  
di 7'or pa 9'or di anochi

Nos kier a pidi nos disculpa si nos por a lubida un of otro famia den nos tristeza.

# Dokter spaño ta nenga cu Castro ta grave

Un cirujano spaño cu a examina Fidel Castro luna pasa a rechaza un articulo di un corant di Madrid cu ta bisa cu e lider cubano ta den estado grave despues di tres operacion, sin exito, di su tripa.

E artículo publica di-aamars den El País, cu ta bisa cu e revolucionario veterano ta den un estado “hopi grave”, a desmenti e rumornan cu probablemente e lo ta muriendo.

Castro no a wordo mira den publico desde un poco prome cu el a entrega poder na su ruman, e Minister di Defensa Raúl Castro, dia 31 di juli, y su estado di salud a keda un secreto total na su pais.

Pero diarason, segun CNN, dokter José Luis García Sabrido, kende a bishita e gobernante di 80 aña na fin di december, a bisa cu el a nota un “mehoranza progresivo” den su salud desde cu el a wordo opera di emergencia na juli.

“E unico parti berdad di e articulo ta e number di e pashent, cu a wordo a opera, y cu e tabatin complicacionnan. E resto ta rumor,” Garcia Sabrido a bisa.

**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

*Señor ta mi wardador, mi n tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe haña forsa.*  
Ps. 23:1,2,3

A fayece den nomber di Señor:

**Sra. Vda. Rosalinda de Mey-Lampe**  
\* 20-9-1910 -  
+ 17-1-2007



Na number di su:

yiunan: Nick y Ina de Mey y famia  
Julio y Catrin de Mey y famia  
Fritz y Elita de Mey y famia  
Truda y Liberio Kelly y famia  
John y Mirtha de Mey y famia

suegra: Sra. Vda. Josefa de Mey y famia

Y demas famia ta invita tur amigo, bisña y conoci pa asisti na e acto di entierro cual ta tuma lugar diasabra 20 di Januari 2007 pa 11'or di mainta saliendo for di Misa San Francisco pa santana catolico den Caya Ernesto Petronia. E resto mortal lo ta reposa for di 9'or di mainta den Misa San Francisco.

Adres pa condolencia: **Palm Beach 33-A**  
Diahuebs 18 y diabierna 19 di Januari 2007 di 7'or pa 9'or di anochi

**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

**Gradicimento / Invitacion**



Pa medio di esaki nos kier a gradici tur esnan cu a di un of otro manera a compania nos durante enfermedad, fayecimento y entierro di:

**José de Andrade**

Gradicimento ta bai na tur esnan cu a manda flor, krans, telegram y haci yamadanan telefonico. Na dokternan y personal di Dr. Horacio Oduber Hospitaal Boso presencia y atencion tabata un gran consuelo pa nos.

Alavez nos kier a invita pa compania nos na tres Santo Sacrificio di Misa:  
Diahuebs 18 di Januari 2007  
Diabierna 19 di Januari 2007  
Diasabra 20 di Januari 2007, tur pa 7'or di anochi na Misa San Francisco na Playa.  
Boso presencia ta altamente aprecia.

Na number di su esposa Maria, yiunan y demas famia

**DANKI PA YAMA**

E celular aki ta dibo si bo tip conduci na un articulo exclusivo



HOTLINE  
**733-8477**

**Digicel**  
Spera Mas. Hanja Mas.

**AWE Mainta**

# Donacion di Kiwanis Club of Aruba

na Mon Plaisir College.



A yera mainta Mon Plaisir College a ricibi e Presidente di Kiwanis Club of Aruba, sr Carlos Albertus y sr Radi Abdoel Khan, miembro di comision di hubentud di Kiwanis. Nan a bin pa regala e scol 30 buki na papiamento titula *Tres Diferente Ruta*. E buki ta trata di tres hoben cu ta haya nan mes meti den droga y con nan ta anda cune. E autor di e buki Manchi Hennep tambe tabata presente y a conta algo di e pakico e buki ta scirbi. Kiwanis Club of Aruba di e forma aki kier aporta na duna nos hobenan algo di lesa den nan propio idioma, pero alaves spiarta nan di e problematica di droga

Un alumno, Ilonka Chirino, cu tabata sa cu e scol lo a haya buki, a scirbi un poesia pa Manchi a les'e dilant tur presente. E gesto ei a haya aprecio grandi di tur presente

**AD PATRES**  
funeral home

van Rensselaerstraat 2  
San Nicolas - Aruba  
E-mail: adpatres@setarnet.aw

Tel.: (294) 584-2299  
584-8413  
Fax: (297) 584-2266

"Señor ta mi wardador  
Pues mi no tin falta di nada"

A fayece inesperadamente na edad di 82  
Aña

## Sra. Vda. Graciela Maduro-Maduro



Mihor conoci como "Chela", "Mamai"  
of "Maichela"

Na number di su yuinan: Rubia y Ramon Hoek y famia  
Rudolf y Ina Maduro y famia  
Gladys y Rigoberto Camarra y famia  
Susan Hoek y Juan Campusano Matos  
Ethline y Di-Angelo Schenker y famia  
Nasoushka y Ernilo Fullinck y famia  
Wendeline Hoek  
Jamila y Rino Henriquez y famia  
Viviana Maduro  
Rigialys Gamarra  
Rigoberto Gamarra  
Nieto: Abigail Schenker  
Bisaniestan: Ernoeshka Fullinck  
Nashmalya Fullinck  
Richinella Henriquez  
Maybeline Henriquez  
Jaentesa Hermiquez  
Bisaniesto: Jayden Campusano-Matos  
Rumannan: Fransisco Maduro  
Josela Y Fransisco Wever y famia  
Catarina Maduro  
Hernando Maduro y famia  
Andres y Dorilia Maduro y famia  
Reymundo y Jolanda Maduro y famia  
Hose Maduro y Agnes Lampe y famia  
Jacob y Annie Maduro y famia na Hulanda  
Mario y Mayra Maduro y famia  
Cuña: Sebastiana y Thomas Solognier y famia  
Tanta: Teles Fora Krozendijk  
Y su ihanan, comer y compernan, sobrino y sobrinanan, primo y primanan y demas famia:  
Maduro, Hoek, Boekhoudt, Gamarra, Campusano, Matos, Schenker, Fullinck, Henriquez, Solognier, Geerman, Wever, Heronimo, de Cuba, Ras, Stamper, Kock, Grovell, Thiel, Irausquien, Arends, Dakem Vos, Croes, Van Der Linden, Cortes, Harms, Rafini, Quant, Bijl, Koolman, Gomez, Sevenstone, Angela, Lampe.  
Ta invita tur amigo, bisña y conocirnan di casino pa asisti na e acto di entierro cual lo tuma lugar **Diabierna 19 di Januari 2007** pa 4'or di atardi saliendo for di **Misa Cristo Rey** na **Brazil** pa **Santana Catolico** na **Savaneta**.  
E resto moeral lo ta reposa for di 11'or di mainta pa 1.30 di atardi nan **Cas Rooi Master 16**.

Adres pa condolencia:  
Rooi Master 16  
di 7'or pa 9'or di anochi

Dispensa nos cu den nos tristeza nos por a lubida algun famia.

**Mementori Funeral Home N.V.**  
Yolanda - Leo - Eugene  
Tel: 5833358 - Fax: 5837711

*Haya mi falta, pero lagami bay*  
Mi a yega na final di e caminda, solo a baha pami.  
No yora hopi, no yora un alma cu ta liber.  
Sinti mi falta pero no pa hopi largo.  
Recorda e amor cu nos a comparti hunto  
Haya mi falta, pero lagami bay

Cu hopi dolor na nos curazon pero conforme cu boluntad di Dios,  
nos ta anuncia fayecimento inespera di:

## Sr. Guillermo Facundo Ranis

Mihor conoci como: "Shon Mi"  
Eremedaille silver, in Order van Oranje-  
Nassau  
ex-empleado di D.O.W. y ex-empleado di  
Thiel Corporation  
24 November, 1924 15 Januari, 2007



Na number di su:  
Esposa: Senaida Ranis Muller  
Yuinan: Shurby Ranis y Frances Burrows  
Esther Ranis  
Tessely y George Koolman Ranis

Nieta y Nietonan: Marc-Anthony Ranis  
George-Mitchel Koolman  
Tiara Koolman

Rumannan: Belen Boezem - Ranis y Famia  
†Graciela Thode - Ranis y Famia  
Jeta de Palm - Ranis y Famia  
Cuña: Carmen Maria Muller  
Swa: Vdo Pablo Muller y Famia

Sobrino y sobrinanan na Aruba, Bonair, Curacao y Hulanda

Famia: Ranis, Muller, Koolman, Boezem, de Palm, Thode, Burrows, Silla, Dovale, Rijna, Lacle, Henriquez, Me David, Celestina, Thom, Cecilia, Montanus, Tromp, Engelhart, Janga, Frans, Hessels, Ignacio, Hoornweg, Cheng, Brian, Antoine y demas famia ta invita tur amigo, bisina y conoci pa asisti na acto di entierro cual ta tuma lugar **Diabierna 19 Januari 2007** saliendo for di **Misa San Francisco** pa **santana catolico** na **Paradera**. **Shon Mi** lo ta reposa for di 2or di atardi den **Misa San Francisco** na **Playa**.

Adres pa condolencia: **G. Madurostraat # 39-A**  
di 7'or pa 9'or di anochi

Nos ta lamenta cu despues di entierro nos no por ricibi bishita di condolencia na cas.

Nos kier a pidi nos disculpa si nos por a lubida un of otro famia den nos tristeza.

**DANKI  
PA YAMA**

E celular aki  
ta dibo si  
bo tip  
conduci na  
un articulo  
exclusivo

HOTLINE  
**733-8477**

**Digicel**  
Spera Mas. Hanja Mas.



# Final grandioso di CHA

Participantenan na e conferencia di CHA, mercado di turismo, a wordo sorprendi riba e ultimo anochi, esta e acto final, cu presentacion di Beach Boys.

Organisadornan tabata wanta nan rosea di miedo cu e anochi aki awa lo yobe y

stroba e presentacion, pero esaki no tabata e caso. Por bisa cu esaki tabata e punto cu a caba di convence e participantenan di CHA di e caracter di nos hendenan y nan manera di organisa cosnan pa satisfice e clientenan. Un exito total. Pabien.

